

MABINOGION

(O LYFR
COCH HERGEST)

J. M. EDWARDS

DARLUNIAU GAN
J. E. C. WILLIAMS

AIL LYFR

HUGHES & SON, WREXHAM
PRIS SWLLT

This book belongs to
THE CAMPBELL COLLECTION
purchased with the aid of
The MacDonald-Stewart Foundation
and
The Canada Council

*Pullheli W...
1909.
Hannamson.*



CAMPBELL
COLLECTION



MABINOGION.


(*O Lyfyr Coch Hergest.*)

GOLYGWYD GAN

J. M. EDWARDS, YSGOL SIR Y RHYL.




Peredur ab Efrog.
Breuddwyd Rhonabwy
Lludd a Llefelys.
Hanes Taliesin.



GWRECSAM:
HUGHES A'I FAB, HEOL ESTYN.
1901.

RHAG-YMADRODD.



WELE ail gyfrol, yn cynnwys tair mabinogi a hanes Taliesin. Cafodd y gyfrol gyntaf dderbyniad mor groesawgar, fel yr hudwyd fi i baratoi cyfrol arall; ac yr wyf yn gobeithio y ceir hi mor wasanaethgar ac mor ddyddorol a'r gyntaf.

Cyhoeddwyd y mabinogion, y tair, yn union fel y maent yn Llyfr Coch Hergest, gan Dr. J. Gwenogfryn Evans. Cyhoeddwyd y mabinogion a hanes Taliesin, gyda chyfieithiad Saesneg, gan Lady Guest. Cyhoeddwyd hwy mewn Cymraeg hen a diweddar gan Llyfrbryf.

Yn yr argraffiad hwn cyfaddaswyd hwy ar gyfer plant ysgol.


J. M. EDWARDS.

Ysgol Sir y Rhyl,

Awst, 1901.

Digitized by the Internet Archive
in 2011 with funding from
University of Toronto

PEREDUR AB EFROG.



EFROG IARLL oedd biau iarllaeth y Gogledd. A saith mab oedd iddo. Ac nid ar ei gyfoeth yn fwyaf y byddai Efrog byw, ond ar wrol-gampau, a rhyfel-oedd ac ymladdau. Ac fel y mae yn fynych i'r neb a ganlyno ymladdau a rhyfeloedd, lladdwyd ef a'i chwe mab. Seithfed fab a oedd iddo. Peredur oedd ei enw, a'r ieuengaf oedd hwnnw. Ac nid oedd mewn oed i fynd i ymladd nac i ryfel, petai mewn oed efe a laddasid fel y lladdwyd

Fel y ei dad a'i frodyr. Gwraig ddoeth,
gofalodd ofalus, oedd yn fam iddo. A
mam. phryderu a wnaeth yn fawr am ei hun mab a'i chyfoeth, a hynny a gafodd yn ei chyngor—ffoi i anialwch a diffaethwch didramwy ac ymadael â'r cyfaneddau. Ni adawodd yn ei chymdeithas ond gwragedd, a meibion, a dynion didraha, na allent ac na weddai iddynt nac ymladd na rhyfela. Ni adawai i neb, yn y lle y clywai ei mab, gynnull na meirch nac arfau, rhag doddi o'r mab ei fryd arnynt. Ac i'r fforest yr äi y mab beunydd i chwareu, ac i daflu darnau o goed ac ysgyrion. Ac un diwrnod efe a welai ddeadell eifr ei fam, a dwy ewig yn gyfagos i'r geifr. A rhyfeddu yn fawr a wnaeth y mab fod y ddwy hynny heb gyrrn, a chyrrn ar y rhai eraill. A

thybiodd iddynt fod yn hir ar goll, ac am hynny golli eu cyrn o honynt. A thŷ a oedd ymhen y fforest i'r geifr, a thrwy fedr a rhedeg efe a gymhellodd yr ewigod, ynghyd â'r geifr, i fewn. A daeth Peredur drachefn at ei fam.

“Fy mam,” ebe ef, “peth rhyfedd a welais yn y coed,—dwy o’th eifr di wedi mynd yn wyllt, ac wedi colli eu cyrn gan faint yr amser y buont ar goll dan y coed. Ac ni chafodd dyn drafferth mwy nag a gefais i yn eu gyrru i fewn.”

Ac ar hynny cyfodi a wnaeth pawb a dyfod i edrych, a phan welsant yr ewigod rhyfeddu’n fawr a wnaethant.

Ac un diwrnod hwy a welent dri marchog yn dyfod ar hyd marchog-ffordd wrth ystlys y fforest. A’r tri marchog oedd,—Gwalchmai fab Gwyar, a Geneir Gwystyl, ac Owain fab Uryen. Ac Owain oedd yn ymlid ar ol y marchog a ranasai’r afalau yn llys Arthur.

“Fy mam,” ebe Peredur, “beth yw y rhai acw?”

“Angylion ydynt, fy mab,” ebe hithau.

“Dyma fy ffydd,” ebe Peredur, “yr af yn angel gyda hwy.”

Ac i’r ffordd i’w cyfarfod y

Fel y daeth Peredur.

gwelodd “Dywed, enaid, a welaist ti
Peredur farchog yn mynd heibio heddyw
farchog. neu ddoe?”

“Ni wn,” ebe yntau, “beth yw marchog”

“Y cyfryw beth wyf fi,” ebe Owain.

“Pe dywedit ti i mi y peth a ofynnaf i ti,” ebe Peredur, “minnau a ddywedwn i tithau yr hyn a ofynni dithau.”

“Dywedaf yn llawen,” ebe Owain.

“Beth yw hwn?” ebe Peredur am y cyfrwy.

“Cyfrwy yw,” ebe Owain.

Ac ymofyn yn llwyr a wnaeth beth oedd y pethau a welai ef ar y gwŷr, a'r meirch, a'r arfau, a pha beth fynnent â hwy, ac a allent wneyd â hwy. Owain a fynegodd iddo yn llwyr bob peth a ellid wneyd â hwy.

“Dos rhagot,” ebe Peredur, “mi welais y cyfryw a ofynni dithau; a minnau a ddeuaf ar dy ol di.”

Yna dychwelyd a wnaeth Peredur at ei fam a'r nifer.

“Fy mam,” ebe ef, “nid angylion oedd y rhai gynneu, ond marchogion urddasol.”

Yna syrthiodd y fam yn farw lewyg.

A daeth Peredur hyd y lle yr oedd y ceffylau a gludent danwydd iddynt, ac a ddygai fwyd a dwfr o gyfannedd i'r anialwch, a chymerodd geffyl brych-welw ysgyrniog a'r cryfaf debygai ef. A ffynoreg a wasgodd yn gyfrwy iddo, ac â gwyddyn dynwared y pethau a welsai ar y meirch, ac ar bopeth, a wnaeth Peredur.

A thrachefn y daeth Peredur at ei fam, ac ar hynny dadlewygu a wnaeth yr iarllles.

“Ie, fy mab, cychwyn a fynni,”

“Ie,” ebe Peredur, gan dy gennad.”

“Aros i mi dy gynghori cyn dy gychwyn.”

“Yn llawen,” ebe ef, “dywed ar frys.”

“Dos rhagot,” ebe hi, “i lys

Fel y Arthur, “lle y mae y gwŷr goreu,
cynghor- a haelaf, a dewraf. Lle y gweli
odd mam. eglwys, cân dy bader wrthi. Os
gweli fwyd a diod, a'u heisiau
arnat, ac na bo neb o foesgarwch a daioni

eu rhoddi i ti, cymer hwy dy hun. Os clywi wylofain, dos yno,—a gwylofain gwraig yn anad gwylofain yn y byd. Os gweli dlws teg, cymer ef, a dyro i arall; ac o hynny clod a geffi. Os gweli ferch deg, câr hi, er na fyn di; gwell gŵr a chywirach fyddi o hynny na chynt.”

Ac wedi yr ymadrodd hwnnw esgyn ar ei farch a wnaeth Peredur, a dyrnaid o bicellau blaenllym yn ei law, a chychwyn ymaith rhagddo a wnaeth. A bu ddeuddydd a dwynos yn cerdded anialwch coediog, ac amryw le diffaeth, heb fwyd ac heb ddiod. Ac yna y daeth i goed mawr anial, ac ymhell yn y coed ef a welai lannerch deg wastad, ac yn y llannerch y gwelai babell. Yr oedd yn rhith eglwys, ac ef a ganodd ei bader wrth y babell. A thua y babell y daeth. A drws y babell a oedd yn agored, a chadair euraidd yn ymyl y drws, a morwyn oleu wallt, brydferth, yn y gadair yn eistedd. Ac am ei thalcen yr oedd cadwen aur, a meini disglaer ynddi, a modrwy aur fawr am ei llaw. A disgyn a wnaeth Peredur, a dyfod rhagddo i mewn; a llawen fu y forwyn wrtho, a chyfarch gwell iddo a wnaeth. Wrth dalcen y babell ef a welai fwyd, a dwy gostrel yn llawn o win, a dwy dorth o fara cân, a golwythion o gig mel-foch.

“Fy mam,” ebe Peredur, “a archodd i mi pa le bynnag y gwelwn fwyd a diod ei gymeryd.”

“Dos dithau, unben, yn llawen i'r bwyd, a chroesaw i ti.”

Yna y cymerth Peredur hanner y bwyd a'r ddiod iddo ei hun, gan adael y llall i'r forwyn. A phan ddarfu i Beredur fwyta,

dyfod a wnaeth a gostwng ar ben ei lin gerbron y forwyn.

“Fy mam,” ebe ef, “a archodd i mi lle gwelwn dlws teg ei gymeryd.”

“Cymer dithau, enaid,” ebe hi.

Cymerodd Peredur y fodrwy; cymerodd ei farch, a chychwynnodd ymaith.

Ar ol hynny dyma y marchog biau y babell yn dyfod,—sef oedd hwnnw perchennog y llannerch, ac ol y march a welai,—

“Dywed,” ebe ef wrth y forwyn, “pwy a fu yma ar fy ol i?”

“Dyn rhyfedd iawn ei ansawdd, arglwydd,” ebe hi, a mynegodd ansawdd Peredur, a’r modd y teithiai, yn llwyr.

“Dywed,” ebe ef, “a wnaeth efe ddrwg i ti?”

“Naddo, myn fy nghred,” ebe hi, “na cham nis gwnaeth i mi.”

“Myn fy nghred nis credaf; ac oni ddaliaf ef i ddial fy nghywilydd a’ m llid, ni chei dithau drigo dwy nos yn fy nhŷ.” A chyfodi a wnaeth y marchog i geisio Peredur.

Ac yntau, Peredur, a gych *Fel y cych-*wynnodd tua llys Arthur. A *wynnodd* chyn ei ddyfod i lys Arthur, *Peredur i* daeth marchog arall i lys Arthur, *lys Arthur.* ac a roddodd fodrwy aur fawr yn nrws y porth er dal ei farch. Ac yntau a ddaeth i’r neuadd yn lle yr oedd Arthur a’i deulu, a Gwenhwyfar a’i rhianedd. A gwas ystafell oedd yn gwasanaethu ar Gwenhwyfar o flwch aur. Yna y marchog a dywalltodd y dwfr a oedd ynddo am ei gwyneb a’i bron, gan roddi bonclust mawr i Wenhwyfar, a dywedyd,—

“Os oes neb cyn eofned a gwarafun y

blwch hwn i mi, a dial sarhad Gwenhwyfar, deued ar fy ol i'r weirglodd, a mi a'i harhosaf yno."

A'i farch a gymerth y marchog a'r weirglodd a gyrchodd. Sef a wnaethant,—pawb o'r teulu, gostwng eu pennau rhag gofyn i un fynd i ddial sarhad Gwenhwyfar. A thebyg oedd ganddynt na wnaï neb waith cyn eofned a hynny, oni bai fod arno filwriaeth ac angerdd, neu ledrith fel na allai neb ymddial âg ef.

Ar hynny dyma Peredur yn dyfod i'r neuadd ar geffyl brych-welw ysgyrniog, a thaclau musgrell arno, ac yn anweddaidd mewn llys cyf-urdd a hwnnw. Ac yr oedd Cai yn sefyll yng nghanol y neuadd.

"Dywed, y gŵr hir," ebe Peredur, "acw mae Arthur?"

"Beth a fynni di," ebe Cai, "âg Arthur?"

"Fy mam a archodd i mi ddyfod i'm hurddo yn farchog urddol at Arthur."

"Myn fy nghred," ebe Cai, "rhy anghywir wyt o farch ac arfau."

Ac ar hynny canfu y teulu ef a bwriasant ysglodion ato.

Ar hynny, dyma ŵr yn dyfod i mewn, a ddaeth flwyddyn cyn hynny i lys Arthur, ef a chorres, i erchi nawdd Arthur, a hynny a gawsant. Ac yn ystod y flwyddyn ni ddywedasai un o honynt un gair wrth neb. A phan ganfu y corach Peredur,—

"Haha," ebe ef, "croesaw Fel y calon i ti, Beredur deg, fab croesaw-Efrog,—arbennig ymysg milwyr odd cor. a blodau marchogion!"

"Yn wir," ebe Cai, "dyma fedr yn ddrwg,—bod flwyddyn yn llys

Arthur yn fud, yn cael dewis dy ymddidd-anwr, a galw y cyfryw ddyd a hwn, yng ngwydd Arthur a'i deulu, a'i dystio yn arbennig ymysg milwyr a blodau marchogion!" a rhoddodd fonclust iddo hyd nes oedd ar lawr yn farw lewyg.

Ar hynny dyma y gorres,—

"Haha," ebe hi, "croesaw calon i ti, Beredur deg, fab Efrog, blodau y milwyr, a chanwyll y marchogion!"

"Ie, forwyn," ebe Cai, "dyma fedr yn ddrwg, bod flwyddyn yn fud yn llys Arthur, a galw y cyfryw ddyd hwn yn y modd y gelwaist!" a rhoddodd Cai gic iddi nes oedd ar lawr yn farw lewyg.

"Y gŵr hir," ebe Peredur, "mynega i'm pa le mae Arthur."

"Taw a'th son," ebe Cai, "dos ar ol y marchog a aeth oddi yma i'r weirglodd, a dwyn y blwch oddi arno, a thafi ef, a chym-er ei farch a'i arfau, ac wedi hynny ti a geffi dy urddo yn farchog urddol."

"Y gŵr hir, minnau a wnafl hynny."

A throdd ben ei farch, ac aeth allan ac i'r weirglodd. A phan ddaeth yr oedd y

marchog yn marchogaeth yn

Fel yr ym- rhyfygus fel gŵr dewr urddasol.

laddodd "Dywed," ebe'r marchog, "a

Peredur. welaist di neb o'r llys yn dyfod

ar fy ol i?"

"Y gŵr hir oedd yno," ebe ef, "a archodd i mi dy daflu di, a chymeryd y blwch a'r march, a'r arfau i mi fy hun."

"Taw," ebe y marchog, "a dos drachefn i'r llys, ac arch oddi wrthyf i Arthur ddyfod, ai ef ai arall, i ymladd â mi. Ac oni ddaw yn gyflym ni arhosaf i erfyn."

“Myn fy nghred,” ebe Peredur, “dewis di ai o’th fodd ai o’th anfodd, myfi a fyn-naf y march, a’r arfau, a’r blwch.”

Ac yna y cyrchodd y marchog ef yn lli-diog, a gwanodd ef â blaen ei waew rhwng yr ysgwydd a’r gwddf, — dyrnod mawr dolurus.

“Aha, was,” ebe Peredur, “ni chwareuai gweision fy mam â myfi felly. Minnau a chwareuaf â thi fel hyn.”

Bwriodd bicell flaenllym ato, ac a’i tarawodd yn ei lygad hyd onid oedd trwy ei wegil allan, ac yntau yn farw ar amrantiad.

“Yn wir,” ebe Owain fab Uryen wrth Cai, “drwg a wnaethost yrru y dyn ffol ar ol y marchog. Un o ddau beth a ddigwydd iddo,—ei ladd neu ei daflu; os ei daflu a ddigwydd i’r marchog, rhif y marchog ef yn ŵr mwyn o’r llys, ac anghlod dragwyddol fydd i Arthur a’i filwyr; ac os ei ladd a ddigwydd, yr anghlod a gerdda fel cynt, a’i bechod arno yntau yn ychwaneg. A dyma fy ffydd, af i wybod pa hanes yw ei eiddo ef.”

A daeth Owain i’r weirglodd. A’r hyn welai Owain oedd Peredur yn llusgo y gŵr ar hyd y weirglodd.

“Beth a wnei di felly?” ebe Owain.

“Ni ddaw,” ebe Peredur, “y bais haiarn byth oddi am dano, nis gallaf fi ei thynnu.”

Yna diosgodd Owain yr arfau a’r dillad.

“Dyma, enaid,” ebe ef, “farch ac arfau gwell na’r rhai eraill, a chymer hwy yn llawen. A thyred gyda mi hyd at Arthur i’th urddo yn farchog urddol, canys ti a’i haeddi.”

“Ni chodaf fy ngwyneb os af,” ebe Peredur. “Ond dwg di y blwch oddi

wrth yf i Wenhwyfar. A dywed wrth Arthur Pa le bynnag y byddwyf fi, gŵr iddo fyddaf ac a allaf o les a gwasanaeth iddo mi a'i gwnaf. A dywed na ddeuaf i'r llys byth oni ymladdwyf y gŵr hir sydd yno, i ddial sarhad y cor a'r gorres."

Yna y daeth Owain drachefn i'r llys, a mynegodd yr hanes i Arthur a Gwenhwyfar, ac i bawb o'r teulu, a'r bygwth ar Gai.

Ac yntau, Peredur, a gychwynnodd ymaith. Ac fel yr oedd yn cerdded, dyma farchog yn ei gyfarfod.

"O ba le y deui di?" ebe'r marchog.

"Deuaf o lys Arthur," ebe Peredur.

"Ai gŵr i Arthur wyt ti?" ebe ef.

"Ie, myn fy nghred," ebe Peredur.

"Yr wyt yn glynu wrth Arthur mewn lle iawn."

"Paham?" ebe Peredur.

"Mi a ddywedaf i ti," ebe ef. "Gelyn fum i Arthur erioed. Ac mi a leddais bob gŵr iddo a ddaeth i'm cyfarfod."

Ni fu dim yn fwy na hynny rhyngddynt, —ymladd wnaethant. Ac ni fu hir amser cyn i Beredur ei fwrw dros grwper ei farch i lawr. Nawdd a archodd y marchog ganddo.

"Nawdd a geffi," ebe Peredur, "ond rhoddi dy lw yr ai i lys Arthur, a mynegi i Arthur mai fi a'th fwriodd er anrhydedd a gwasanaeth iddo ef. A dywed na ddeuaf byth i'r llys oni chaffwyf ddial sarhad y cor a'r gorres."

A'r marchog a roddodd ei air ar hynny, ac a gychwynnodd rhagddo i lys Arthur. Ac a wnaeth hynny, a'r bygwth ar Gai.

Ac yntau, Peredur, a gychwynnodd rhagddo. Ac yn yr un wythnos cyfarfu âg ef

un marchog ar bymtheg; ac ef, Peredur, a'u bwriodd yn gywilyddus. Ac aethant i lys Arthur, a'r unrhyw ymadrodd ganddynt ac a ddaeth gyda'r marchog cyntaf, a'r un bygwth gan Beredur ar Gai. A cherydd a gafodd Cai gan Arthur, a phrudd fu yntau, Cai, am hynny. Yntau, Peredur, a gerddodd rhagddo, ac a ddaeth i goed mawr anial, ac yn ystlys y coed yr oedd llyn, ac ar y tu arall yr oedd caer deg. Ar lan y llyn gwelai ŵr llwyd bonheddig yn eistedd ar obennydd o sidan, a gwisg o sidan am dano; a gweision yn pysgota ar y llyn hwnnw. Pan welodd y gŵr llwyd Peredur yn dyfod, cyfodi a wnaeth, a cherdded tua'r gaer. A chloff oedd yr hen ŵr. Yntau, Peredur, a gyrchodd y llys. A'r porth oedd yn agored, ac aeth i'r neuadd. Ac yr oedd y gŵr gwallt wyn yn eistedd ar obennydd, a thân mawr yn llosgi o'i flaen. A chyfodi a wnaeth y teulu a'r nifer i dderbyn Peredur,

a diosg ei esgidiau. Ac archi a
Fel y wnaeth y gŵr i'r dyn ieuanc
gwnaeth y eistedd ar ben y gobennydd. A
gwr llwyd. chydeistedd ac ymddiddan a
 wnaethant. A phan fu amser
 gosod byrddau, a mynd i fwyta, yr oedd
 Peredur yn eistedd ar y naill law i'r gŵr
 biai y llys. Wedi darfod bwyta, gofyn a
 wnaeth y gŵr i Beredur, a allai daro â
 chleddyf yn dda.

“Na allaf,” ebe Peredur, “pe caffwn
 ddysg tebyg y gallwn.”

“A all chware â ffon a tharian yn dda,
 gallasai hwnnw ymladd â chleddyf.”

Dau fab oedd i'r gŵr,—gwas melyn a
 gwas gwineu.

“Cyfodwch, weision,” ebe ef, “i chwareu â ffyn, ac a thariannau.”

Ac yna i chwareu â ffyn yr aethant.

“Dywed, enaid,” ebe y gŵr, “pwy oreu o'r gweision debygi di am chware?”

“Tebyg gennyf fi,” ebe Peredur, “y gallai y gwas melyn wneuthur gwaed ar y llall pe y mynnai.”

“Cyfod dithau, enaid, a chymer y ffon a'r darian o law y gwas gwineu, a gwna waed ar y gwas melyn os gelli.”

Peredur a gyfododd, a mynd a wnaeth i chware â'r gwas melyn. A dyrchafodd ei law, ac a'i tarawodd â dyrnod mawr hyd nes y syrthiodd yr ael ar ei lygad,—a'r gwaed yntau yn llifo.

“Wel, enaid,” ebe y gŵr, “dos i eistedd bellach. Y gŵr goreu am daro â chledddyf yn yr ynys hon fyddi di. A'th ewythr dithau, frawd dy fam, wyf finnau. A chyda mi y byddi y tymor hwn yn dysgu moes ac arfer y gwledydd a'u defodau, ac ymddygiad, ac addfwynder, a boneddigeiddrwydd. Gad weithian iaith dy fam, a mi a fyddaf athraw i ti, ac a'th urddaf yn farchog urddol o hyn allan. A dyma a wnei,—os gweli beth a fo ryfedd gennyf, nac ymofyn beth yw, os na bydd digon o foesgarwch i'w fynegi i ti. Nid arnat ti y bydd y cerydd, ond arnaf fi, canys mi sydd athraw i ti.”

Ac anrhydedd a gwasanaeth ddigon a gawsant. A phan fu amser, i gysgu yr aethant.

Pan ddaeth y dydd gyntaf, cyfodi a wnaeth Peredur, a chymeryd ei farch, a chychwyn ymaith trwy ganiatad ei ewythr. A daeth i goed mawr anial, ac ymhen draw

y coed daeth i ddol, a'r tu arall i'r ddol wastad gwelai gaer fawr, a thua'r lle hwnnw y cyfeiriodd Peredur. A'r porth a gafodd yn agored, ac aeth i'r neuadd. A'r hyn welai oedd gŵr llwyd bonheddig yn eistedd yn ochr y neuadd, a gwŷr ieuainc yn aml o'i gylch. A chyfodi a wnaethant yn foesgar, a'i dderbyn, a'i ddodi i eistedd ar y naill law i'r gŵr biai y neuadd. Ac ymddiddan a wnaethant. A phan fu amser myned i fwyta, doddi Peredur a wnaethant i eistedd ar y naill law i'r gŵr mwyn i fwyta. Ac wedi darfod bwyta ac yfed eu hamcan, gofyn a wnaeth y gŵr da i Peredur a allai ef daro â chleddyf.

“Pe caffwn ddysg, tebyg yw gennyf y gallwn,” ebe Peredur.

Ac yr oedd haiarn mawr yn

Fel y llawr y neuadd.

torrodd “Cymer,” ebe y gŵr wrth
Peredur Peredur, “y cleddyf acw a tharo
yr haiarn. yr haiarn.”

A Pheredur a gyfododd ac a darawodd yr haiarn onid oedd yn ddeuddryll, a'r cleddyf yn ddeuddryll.

“Dod y darnau ynghyd a chyfuna hwy.”

Peredur a'u dododd ynghyd, a chyfunasant fel cynt. A'r ailwaith tarawodd yr haiarn yn ddeuddryll, a'r cleddyf yn ddeuddryll, ac fel cynt cyfuno a wnaethant. A'r drydedd waith cyffelyb ddyrnod a darawodd, a'u bwrw ynghyd,—ond ni chyfunai yr haiarn na'r cleddyf.

“Ie, was,” ebe y gŵr, “dos i eistedd bellach, a'm bendith i ti. Y dyn goreu yn y deyrnas am daro â chleddyf wyt. Deuparth dy ddewredd a gefaist, a'r trydydd

ran sydd heb ei gael. Ac wedi i ti gael dy ddewredd yn gwbl, ni thycia i neb ymryson â thi. A'th ewyrth wyf finnau, frawd dy fam. Brodyr ym ni a'r gŵr y buost neith-iwr yn ei dŷ."

Ac yna ymddiddan â'i ewyrth a wnaeth Peredur. Ar hynny gwelai ddau was yn dyfod i'r neuadd, ac yn mynd i'r ystafell, a gwaew ganddynt anfeidrol ei faint, a thair ffrwd o waed yn rhedeg o'i phen hyd y llawr. A phan welodd y nifer hwnnw wylo a llefain a wnaethant. Ond, er hynny, ni thorrodd y gŵr yr ymddiddan â Pheredur. Er hynny ni ddywedodd wrth Peredur yr ystyr, ac ni ofynnodd yntau. Ar hynny, wedi distewi ysbaid fechan, dyma ddwy forwyn yn dyfod â dysgl fawr rhyngddynt, a phen dyn yn y ddysgl, a gwaed yn dew o'i amgylch. Ac yna llefain yn fawr a wnaeth nifer y llys, onid oedd yn flin trigo yn yr un llys â hwynt. Ac o'r diwedd tewi a wnaethant. A phan fu amser i gysgu, yr aeth Peredur i ystafell deg. A thrannoeth Peredur a gychwynnodd ymaith trwy gan-iatad ei ewyrth.

Oddi yno ef a ddaeth i goed, ac ymhell yn y coed clywai wylo. A'r hyn welai oedd gwraig oleuwallt fonheddig, a march a chyfrwy arno yn sefyll ger ei llaw, a chorff yn ei hymyl. A phan y ceisiai *Fel y wylai* roddi y corff ar y cyfrwy oedd ar *gwraig*. y march, syrthiai y corff i lawr, ac wylai hithau.

"Dywed, fy chwaer," ebe Peredur, "pam yr wyt yn wylo?"

"O esgymunedig Beredur! gwared bychan a gefais o fy ngofid gennyf ti erioed."

“Paham yr wyf fi esgymunedig?” ebe Peredur.

“Am dy fod yn achos i ladd dy fam. Canys pan gychwynnaist o'i hanfodd, neidiodd gwaew i'w chalon, ac o hynny bu farw. Ac am hynny yr wyt yn esgymunedig. A'r cor a'r gorres a welaist yn llys Arthur, corachod dy dad di a'th fam oeddynt, a chwaer-faeth i ti wyf finnau. A'm gŵr priod oedd hwn a laddwyd gan y marchog sydd yn y llannerch yn y coed,—ac na ddos dithau ar ei gyfyl ef rhag iddo dy ladd.”

“Fy chwaer, cam wnai i'm fy ngheryddu. Am fy mod cyhyd ag y bum gyda chwi, prin y gorchfygaf ef, a phe buaswn yn hwy anhawdd fyddai i'm ei orchfygu. Taw dithau, bellach, a'th wylo, canys ni thycia ddim. A mi a gladdaf y corff; ac wedi hynny mi a af hyd lle mae y marchog, i edrych a allaf ei ddial arno.”

Ac wedi iddo gladdu y gŵr, dyfod a wnaethant i'r lle yr oedd y marchog yn marchogaeth yn rhyfygus yn y llannerch. Ar hyn gofyn a wnaeth y marchog i Peredur o ba le y deuai.

“Deuaf o lys Arthur.”

“Ai gŵr Arthur wyt ti?”

“Ie, myn fy nghred.”

“Un iawn i ymlynu wrtho yw Arthur.”

Ac ni fuont yn hwy na hynny cyn ymladd. Ac yn y lle Peredur a daflodd y marchog. A nawdd a archodd yntau gan Peredur.

“Nawdd a geffi,” ebe Peredur, “os cymeri y wraig hon yn briod, a gwneuthur y parch a'r anrhydedd goreu a elli iddi; am ladd o honot tithau ei gŵr priod hi yn wirion. A mynd o honot i lys Arthur, a

mynegi iddo mai fi a'th daflodd er anrhydedd a gwasanaeth i Arthur. A mynegi iddo na ddeuaf i byth i'w lys ef oni ymladdwyf â'r gŵr hir sydd yno i ddial sarhad y cor a'r gorres arno."

A llw am hyn a gymerodd gan y marchog. A threfnwyd y wraig yn gywir o farch a dillad gydag ef i lys Arthur, a mynegwyd yr hanes i Arthur, a'r bygwth ar Gai. A cherydd a gafodd Cai gan Arthur a'r teulu am gadw o hono was cystal a Pheredur o lys Arthur. Ebe Owain fab Uryen,—

"Ni ddaw y gŵr ieuanc hwn byth i'r llys, onid a Cai allan o'r llys."

"Myn fy nghred!" ebe Arthur, "mi chwiliaf anialwch Ynys Prydain am dano oni chaffwyf ef. Ac yna gwnaed pob un o honynt a allo o waethaf i'w gilydd."

Yntau Peredur a gychwynnodd rhagddo, ac a ddaeth i goed anial. Sathyr dynion ac anifeiliaid ni welai, ond gwyddweli a llysiau. Ac ymhen draw y coed gwelai gaer fawr, a thyrrau cedyrn aml arni. Ac yn agos i'r porth hwy oedd y llysiau nag yn un lle arall. Ac â phen ei bicell curodd y porth. Ar hynny dyna was melyn-goch cul ar fwch yn y gaer.

"Dewis, unben," ebe ef, "ynte i mi agor y porth i ti, neu fynegi i'r neb pennaf dy fod wrth ddrws y porth?"

"Mynega fy fod yma," ebe Peredur, "ac os mynnir i'm ddyfod i mewn, mi a ddeuaf."

Y gwas a ddaeth drachefn, ac a agorodd y porth i Peredur. A phan ddaeth i'r neuadd ef a welai ddeunaw o weision culion, cochion, o'r un dwf a'r un bryd, a'r un wisg

a'r un oed, a'r gwas a agorasai y porth iddo. A da oedd eu moes a'u gwasanaeth. A diosg ei esgidiau a wnaethant.

Eistedd ac ymddiddan a wnaethant. Ar hynny dyma bum morwyn yn dyfod o'r ystafell i'r neuadd. A diau oedd gan Peredur na welodd forwyn erioed cyn deced a'r forwyn bennaf o honynt.

Hen wisg o sidan—fuasai dda gynt—tyllog fel y gwelid ei chnawd trwyddo. Gwynnach oedd na blawd y crisant. Ei gwallt hi a'i dwy ael oedd dduach na'r muchudd. Dau fan coch bychan oedd yn ei gruddiau,—cochach oeddynt na dim cochaf.

. Cyfarch gwell a wnaeth y for-

| | |
|----------------|--|
| <i>Fel y</i> | wyn i Peredur, ac eistedd ar y |
| <i>dialodd</i> | naill law. Cyn hir wedi hynny |
| <i>Peredur</i> | gwelai ddwy fynaches yn dyfod, |
| <i>gam</i> | a chostrel yn llawn o win gan y |
| <i>merch.</i> | naill, a chwe torth o fara can gan y llall. |

“Arglwyddes,” ebe hwy, “Duw a wŷr nad oes cymaint arall a hyn o fwyd a diod yn y confent acw heno.”

Yna aethant i fwyta. A Pheredur a sylwodd fod y forwyn yn mynnu rhoddi mwy o fwyd a diod iddo ef nag i neb arall.

“Tydi, fy chwaer,” ebe Peredur, “myfi a rannaf y bwyd a'r ddiod.”

“Nac ef, enaid,” ebe hi.

“Yn wir, mi a'i rhannaf.”

Peredur a gymerth ato y bara, ac a'u rhoddes i bawb gystal a'u gilydd, a mesur ffiol o'r gwin a roddodd i bawb cystal a'u gilydd. Pan oedd amser myned i gysgu, ystafell a gyweiriwyd i Beredur. Ac i gysgu yr aeth.

“Dyma, fy chwaer,” ebe y gweision wrth forwyn decaf a phennaf o honynt, “a gynhygiwn i ti.”

“Beth yw hynny?” ebe hi.

“Myned at y gŵr ieuanc i'r ystafell uchod, ac ymgynnyg iddo yn wraig neu yn gaeth-ferch.—yr hyn oreu ganddo ef.”

“Dyna,” ebe hi, “beth ni wedda. Myfi heb achos erioed â gŵr. Ac ni allaf gynnyg iddo cyn iddo fy hoffi. Ni allaf fi hynny er dim.”

“I Dduw y dygwn ein cyffes, oni wnai di hynny, ni a'th adawn i'th elynion yma i wneuthur a fynnont â thi.”

A rhag ofn hynny cychwyn a wnaeth y forwyn, a than ollwng dagrau aeth rhagddi i'r ystafell. A chan dwrf y ddor yn agor deffro a wnaeth Peredur. Ac yr oedd y forwyn yn wylo ac yn llefain.

“Dywed, fy chwaer,” ebe Peredur, “pam yr wyt yn wylo?”

“Mi a ddywedaf i ti, arglwydd,” ebe hi. Fy nhad i oedd biai y cyfoeth hwn yn eiddo iddo ei hun; a'r llys hwn a'r iarllâeth o'i chylch oedd y goreu yn ei gyfoeth. Ac yr oedd mab iarll arall yn fy ngofyn innau i fy nhad. Nid awn innau o'm bodd ato ef, ac ni roddai fy nhad fi o'm hanfodd iddo ef nac i iarll yn y byd. Ac nid oedd o blant i'm tad i ond myfi. Ac wedi marw fy nhad daeth y cyfoeth i'm llaw innau, ac yn sicr ni fynnwn i ef wedi hynny mwy na chynt. A'r hyn a wnaeth yntau, wedyn, oedd rhyfela yn fy erbyn i, a goresgyn fy nghyfoeth ond yr un tŷ hwn. A chan mor dda y gwŷr a welaist ti,—brodyr-maeth i mi, a chadarned y tŷ, ni chymer ef byth tra

y parhao bwyd a diod. A hynny a ddarfyddodd, ond fel y mae y mynachesau a welaist di yn ein porthi, o herwydd fod y cyfoeth a'r wlad yn rhydd iddynt hwy. Ac yn awr nid oes iddynt hwythau ddim bwyd na diod; ac nid oes amser pellach nag y fory oni ddel yr iarll a'i holl allu gydag ef yn erbyn y lle hwn. Ac os myfi a gaiff ef, ni fydd gwell fy sefyllfa na'm rhoddi i weision y meirch. A dyfod i ymgynnyg i thithau, arglwydd, yr wyf, yn y wedd y bo oreu gennyt ti, er bod yn nerth i mi,—fy nwyn oddi yma, neu fy amddiffyn yma.”

“Dos, fy chwaer,” ebe ef, “i gysgu. Ac nid af i oddi wrthyt cyn y gwnelwyf ddim a ddywedi, oni welwyf a allwyf fod yn nerth i chwi.”


Drachefn aeth y forwyn i gysgu. Tranoeth y bore y cyfododd y forwyn, ac y daeth hyd lle yr oedd Peredur, a chyfarch gwell iddo.

“Duw a roddo dda i ti, enaid, a pha ryw chwedlau sydd gennyt?”

“Nid oes ond fod yr iarll a'i holl allu wedi gwersyllu wrth y porth. Ac ni welodd neb amlach pebyll, a marchogion, yn galw ar arall i ymladd.”

“Yn wir,” ebe Peredur, “paratoer i minnau fy march.”

Yna y march a baratowyd i Beredur. Ac yntau a gyfododd ac a gyrchodd y weirglodd. Ac yr oedd yn y weirglodd farchog yn marchogaeth yn rhyfygus, wedi codi arwydd i ymladd âg ef. Ac i ymladd yr aethant. A Pheredur a dafloodd y marchog dros grwper ei farch i lawr. Ac yn niwedd y dydd daeth marchog arbennig i ymladd



âg ef; a thafu hwnnw a wnaeth Peredur. Nawdd a archodd hwnnw.

“Pwy wyt ti?” ebe Peredur.

“Yn wir,” ebe ef, “penteulu i’r iarll.”

“Beth sydd o gyfoeth yr iarllles yn dy feddiant di?”

“Yn wir,” ebe ef, “tair rhan.”

“Ie,” ebe ef, “dychwel iddi dair rhan ei chyfoeth yn llwyr, ac a gefaist o dda o hono. A bwyd can ŵr, a’u diod, a’u meirch, a’u harfau heno iddi yn y llys. A bydd dithau yn garcharor iddi.”

A hynny a ganiataodd yn ddiddannod. Ac yr oedd y forwyn yn hyfryd lawen y nos honno, wedi cael y pethau hyn oll. A thrannoeth Peredur a aeth i’r weirglodd, a llawer o honynt a daflodd ef y dydd hwnnw. Yn niwedd y dydd daeth marchog rhyfygus arbennig ato, a thafu hwnnw a wnaeth Peredur. A nawdd a archodd hwnnw gan Beredur.

“Pa un wyt tithau?” ebe Peredur.

“Distain y llys,” ebe ef.

“Beth,” ebe Peredur, “sydd o gyfoeth y forwyn yn dy feddiant di?”

“Tair rhan ei chyfoeth,” ebe ef.

“Ie,” ebe Peredur, “dychwel ei chyfoeth i’r forwyn, ac a gefaist o dda o hono yn llwyr. A bwyd dau gan ŵr, a’u diod, a’u meirch, a’u harfau. A bydd dithau yn garcharor iddi.”

A hynny a gafodd yn ddiddannod. A’r trydydd dydd y daeth Peredur i’r weirglodd, a mwy a daflodd ef y dydd hwnnw na’r un dydd. Ac yn niwedd y dydd daeth yr iarll i ymladd âg ef. Ac ef a’i tafodd, a nawdd a archodd yntau.

“Pwy wyt tithau?” ebe Peredur.

“Myfi yw yr iarll,” ebe ef, “nid ymgelaf.”

“Ie,” ebe Peredur, “dychwel ei hiarllaeth yn gyfan i’r forwyn, a’th iarllaeth dithau yn ychwaneg. A bwyd tri channwr a’u diod, a’u meirch a’u harfau, a thithau i’w mheddiant.”

Ac felly y bu popeth. A thrigodd Peredur dair wythnos, yn peri rhoddi teyrnged ac ufudd-dod i’r forwyn, ac i’r cyfoeth fod wrth ei chyingor.

“Gan dy gennad,” ebe Peredur, “mi a gychwynnaf ymaith.”

“Ai hynny a fynni, fy mrawd?”

“Ie, myn fy nghred, ac oni bai fy mod yn dy garu di, ni fuaswn yma cyhyd ag y bum.”

“Enaid,” ebe hi, “pwy wyt tithau?”

“Peredur, fab Efrog o’r Gogledd. Ac os daw gofid neu enbydrwydd arnat, mynega i mi, a mi a’th amddiffynnaf, os gallaf.”

Cychwyn a wnaeth Peredur oddi yno. Ac ymhell oddi yno cyfarfyddodd marchoges âg ef, ar farch cul, chwysedig. A chyfarch gwell a wnaeth hi i’r gŵr ieuanc.

“O ba le y deui, fy chwaer?”

Mynegi a wnaeth iddo pam y cerddai felly. A phwy oedd hi ond gwraig Syberw y Llannerch.

“Yn wir,” ebe ef, “myfi yw y marchog o achos yr hwn y cefaist y gofid yma. Ac edifar fydd y neb a’i gwnaeth.”

Ar hynny dyma y marchog yn dyfod, a gofynnodd i Beredur a welsai ef y cyfryw farchog a oedd ef yn ei geisio.

“Taw a’th son,” ebe Peredur, “myfi yr

wyt yn ei geisio. A myn fy nghred, drwg wyt a'r teulu wrth y forwyn, o achos gwirion yw yn ei pherthynas â mi."

Ac ymladd a wnaethant. Ac *Fel y cyf-* ni bu hir yr ymladd,—Peredur a *arfyddodd* daflodd y marchog. A nawdd a *Peredur* archodd yntau gan Beredur.

Widdonod "Nawdd a geffi," ebe Peredur, *Caer Loew.* "os ai drachefn y ffordd y daethost i fynegi i ti gael y forwyn yn wirion, ac fel iawn iddi hithau y tafflais i di."

A'r marchog a addawodd hynny iddo. Ac yntau, Peredur, a gerddodd rhagddo. Ac ar fynydd uwch law iddo gwelai gastell, a thuag ato yr aeth. A churo y borth a wnaeth â'i bicell. Ar hynny dyma was goleubryd bonheddig yn agor y porth,—a maint milwr ac oedran mab arno. A phan ddaeth Peredur i'r neuadd yr oedd gwraig fawr fonheddig yn eistedd mewn cadair, a llaw-forwynion yn aml o'i chylch. A llawen fu y wraig dda wrtho. A phan fu amser iddynt, myned i fwyta a wnaethant. Wedi darfod bwyta,—

"Gwell i ti, unben," ebe hi, "fyned i gysgu i le arall."

"Oni chaf gysgu yma?" ebe Peredur.

"Naw gwiddon, enaid, sydd yma, o widdonod Caer Loew, a'u tad a'u mam gyda hwy. Ac os na ddihangwn ni cyn dydd, hwy a'n lladdant. Ac fe ddarfu iddynt oresgyn ein cyfoeth a'i ddifetha, ond yr un tŷ hwn."

"Ie," ebe Peredur, "yma y byddaf heno. Ac os gofid a ddaw arnoch, os gallaf wneyd lles mi a'i gwnaf,—ac afles nis gwnaf finnau."

Ac i gysgu yr aethant. A chyda'r dydd Peredur a glywai wylo angherddol. A chyfodi yn gyflym a wnaeth Peredur, gan roddi ei lodrau a'i fantell am dano, a'i gleddyf wrth ei wregys. Ac aeth allan, a'r hyn welai oedd gwiddon yn trechu gwyliwr, ac yntau yn gwaeddi. Aeth Peredur yn erbyn y widdon, ac a'i tarawodd â chleddyf ar ei phen hyd oni ledodd yr helm a'i phen-orchudd fel discl am ei phen.

“Dy nawdd, Peredur deg, fab Efrog, a nawdd Duw!”

“Pa fodd, wrach, y gwyddost di mai Peredur wyf fi?”

“Tynged a gweledigaeth eglurodd y byddai i ni oddef gofid oddiar dy law; ac y byddai i tithau gymeryd march ac arfau gennyf finnau. A chyda mi y byddi yn dysgu marchogaeth a thrin arfau.”

“Fel hyn,” ebe Peredur, “y ceffi nawdd, —addaw na wnei gam byth yng nghyfoeth yr iarllles.”

A'i llŵ ar hynny a gymerodd Peredur. A chan ganiatad yr iarllles, cychwynnodd gyda'r widdon i lys y gwiddonod. Ac yno y bu dair wythnos gyfan. Yna, wedi dewis ei farch a'i arfau, cychwynnodd rhagddo. A diwedd y dydd ef a ddaeth i ddyffryn, ac ymhen draw y dyffryn daeth i gell meudwy. A llawen fu y meudwy wrtho. Ac yno y bu ef y nos honno. Trannoeth y bore ef a gyfododd oddi yno. A phan *Fel yr hir-* ddaeth allan yr oedd cawod o *aethodd* eira wedi disgyn y nos gynt. A *Peredur.* gwalch gwyllt wedi lladd hwyad wrth dalcen y gell. A chan dwrf y march cilio wnaeth y gwalch. A disgyn-

nodd bran ar gig yr aderyn. A'r hyn wnaeth Peredur oedd sefyll, a chyffelybu dued y fran, a gwynder yr eira, a chochter y gwaed, i wallt y wraig fwyaf a garai a oedd cyn ddued a'r muchudd, a'i chnawd oedd cyn wynned a'r eira, a chochter y gwaed yn yr eira i'r ddau fan coch oedd yn ei gruddiau.

Ar hynny yr oedd Arthur a'i deulu yn ceisio Peredur.

“A wyddoch chwi,” ebe Arthur, “pwy yw y marchog â'r bicell hir, a saif yn y nant uchod?”

“Arglwydd,” ebe un, “mi a af i wybod pa un yw.”

Yna y daeth y gwas hyd y lle yr oedd Peredur, a gofyn a wnaeth beth y wnai yn synfyfyrion felly, a phwy oedd. A chan faint meddwl Peredur ar y wraig fwyaf a garai, ni roddodd ateb iddo. A'r hyn wnaeth yntau oedd ymosod ar Peredur â phicell. Yntau Peredur a drodd at y gwas, ac a'i tarawodd dros grŵper ei farch i'r llawr. Ac ar ei ol ef y daeth pedwar gwas ar hugain ato, y naill ar ol y llall. Ac nid atebodd yr un mwy na'u gilydd, ond gwneyd yr un chware â phob un,—ei daro â'r un bwriad i'r llawr. Yntau Cai a ddaeth

Fel y ato ef, ac a ddywedodd yn sarrug
taflwyd ac anhygar wrth Peredur. A

Cai. Pheredur a'i tarawodd â'i bicell
dan ei ddwy ên, ac a'i taflodd

ergyd oddi wrtho, nes y torrodd ei fraich a gwaell ei ysgwydd. A marchogaeth a wnaeth drosto un waith ar hugain. Ac fel yr oedd yn farw lewyg gan faint y dolur a gawsai, trodd ei farch ymaith gan deithio'n

gyflym. A phan welodd y teulu y march yn dyfod heb y gŵr arno, cychwynasant ar frys tua'r lle y buasai yr ymladdfa. A phan ddaethant yno, tebygu a wnaethant fod Cai wedi ei ladd,—ond hwy welsant, os cawsai feddyg da, y byddai byw.

Ni symudodd Peredur ei feddwl, mwy na chynt, er gweled y pryder oedd uwch ben Cai.

Daethpwyd â Chai hyd ym mhabell Arthur. A gorchmynnodd Arthur ddwyn meddygon cywrain ato. Drwg fu gan Arthur gyfarfod o Gai y gofid hwnnw, canys mawr y carai ef. Ac yna y dywedodd Gwalchmai,—

“Ni ddylai neb gyffroi marchog urddol oddi ar y meddwl y bydd ynddo yn annoeth; canys meddylio yr oedd naill ai am y golled a ddaeth iddo, neu ynte am y wraig fwyaf a garai. Ac os bydd da gennyt ti, arglwydd, myfi a af i edrych a symudodd y marchog oddi ar y meddwl hwnnw. Ac os felly y bydd, mi a archaf iddo yn hygar ddyfod i ymweled â thi.”

Ac yna y sorrodd Cai, ac y dywedodd eiriau dig, cenfigennus.

“Gwalchmai,” ebe ef, “hysbys yw gennyf fi y deui di âg ef, o herwydd blinedig yw. Clod ac anrhydedd bychan, wir, yw i ti orchfygu y marchog lluddedig wedi blino yn ymladd. Felly, wir, y gorchfygaist di lawer o honynt hwy. A hyd tra parhao gennyt ti dy dafod a'th eiriau teg, gwisg o lian tenau am danat fydd ddigon o arfau i ti; ac ni fydd raid i ti dorri, na phicell, na chleddyf wrth ymladd â'r marchog a geffi yn yr ansawdd hon.”

Ac yna y dywedodd Gwalchmai wrth Cai,—

“Ti a allet ddweyd a fai addfwynach pe mynnet. Ac nid arnaf fi yr wyt i ddial dy lid a’th ddigofaint. Teb~~X~~yg yw gennyf hefyd y dygaf y marchog gyda mi heb dorri fy mraich na’m hysgwydd.”

Yna y dywedodd Arthur wrth Walchmai,—

“Fel un doeth a phwyllog y siaredi di. A dos dithau rhagot, a chymer ddigon o arfau am danat, a dewis dy farch.”

Gwisgo am dano a wnaeth Gwalchmai, a myned rhagddo yn gyflym ar ei farch tua lle yr oedd Peredur. Ac yr oedd yntau â’i bwys ar baladr ei bicell, ac yn meddylio yr un meddwl. Daeth Gwalchmai ato, heb arwydd gelyn arno, a dywedodd wrtho,—

“Pe gwypwn fod yn dda gennyf ti, fel y mae da gennyf fi, mi a ymddiddanwn â thi. Hefyd negesydd wyf fi oddi wrth Arthur atat, i atolwg arnat ddyfod i ymweled âg ef. A dau ŵr a ddaeth o’m blaen i ar y neges yma.”

“Gwir yw hynny,” ebe Peredur, “ac anhygar y daethant. Ymladd a wnaethant â mi. Ac nid oedd dda gennyf innau hynny; am nad oedd dda gennyf gael fy nwyn oddi ar y meddwl yr oeddwn ynddo.

Fel y disgrifiai A meddylio yr oeddwn am y
Peredur y wraig wraig fwyaf a garwn. A’r achos
fwyaf a garai. y daeth hynny i’m cof oedd,—yn edrych yr oeddwn ar yr eira, ac ar y fran, ac ar y dafnau o waed yr hwyad a laddasai y gwalch yn yr eira. Ac yn meddylio yr oeddwn fod mor debyg gwynder yr eira, a

dued ei gwallt a'i haelau a'r fran, a'r ddau fan coch oedd yn ei gruddiau i'r ddau ddefny'n o waed."

"Nid anfoneddigaidd y meddwl hwnnw," ebe Gwalchmai, "ac nid rhyfedd mai nid da oedd gennyf gael dy ddwyn oddi arno."

"A ddywedi di i mi a ydyw Cai yn llys Arthur?" ebe Peredur.

"Ydyw," ebe yntau. "Efe oedd y marchog olaf a ymladdodd â thi. Ac nid da fu iddo yr ymladd hwnnw. Torrodd ei fraich ddehau a gwaell ei ysgwydd yn y cwmp a gafodd oddi wrth dy waewffon di."

"Ie," ebe Peredur, "nid rhyfedd dechreu dial y cor a'r gorres felly."

A rhyfeddu a wnaeth Gwalchmai yn ei glywed yn dywedyd am y cor a'r gorres, a dynesodd ato, ac wedi rhoddi ei ddwyllaw am ei wddf, gofynnodd beth oedd ei enw.

"Peredur fab Efrog ym gelwir i," ebe ef, "a phwy wyt tithau?"

"Gwalchmai ym gelwir i," ebe yntau.

"Da yw gennyf dy weled," ebe Peredur. "Dy glod a glywais ym mhob gwlad a fum ynddi, fel milwr a chyfaill. A'th gymdeithas sydd dda gennyf ei gael."

"Ti a'i ceffi, myn fy nghred, a dyro i minnau dy un dithau."

"Ti a'i ceffi, yn llawen," ebe Peredur.

Cychwyn a wnaethant, ill dau, yn hyfryd a chytun, tua'r lle yr oedd Arthur. A phan glywodd Cai eu bod yn dyfod, dywedodd,—

"Mi a wyddwn na fyddai raid i Walchmai ymladd â'r marchog. Ac nid rhyfedd iddo gael clod. Mwy a wna ef o'i eiriau teg na myfi o'm nerth a'm harfau."

A myned a wnaeth Peredur i babell

Gwalchmai i ddiosg eu harfau. Cymeryd a wnaeth Peredur wisg fel a wisgai Gwalchmai, a myned a wnaethant law yn llaw hyd y lle yr oedd Arthur, a chyfarch gwell iddo.

“Dyma, arglwydd,” ebe Gwalchmai, “y gŵr y buost er ystalm o amser yn ei geisio.”

“Croesaw i ti, unben,” ebe

Fel y Arthur, “a chyda mi y trigi. A *croesaw-* phe gwypwn fod dy ddewredd fel *odd Arthur* y bu, nid aet oddi wrthyf i pan *Peredur.* aethost. Fe rag-ddywedodd y cor a’r gorres hyn i ti,—y rhai y bu Cai yn frwnt wrthynt, a thithau a’i dielaist.”

Ar hynny, wele y frenhines a’i llawforwynion yn dyfod. A chyfarch gwell a wnaeth Peredur iddynt. A llawen buont hwythau wrtho, a’i groesawu a wnaethant. Parch ac anrhydedd mawr a wnaeth Arthur i Peredur. A dychwelyd a wnaethant tua Chaer Leon.

A’r nos gyntaf y daeth Peredur i Gaer Leon i lys Arthur, fel yr oedd yn cerdded yn y gaer wedi bwyd, wele Angharad Law Eurog yn ei gyfarfod.

“Myn fy nghred, fy chwaer,” ebe Peredur, “morwyn hygar garuaidd wyt. A mi a allaf dy garu yn fwyaf gwraig, pe da gennyf.”

“Myfi a roddaf fy llŵ,” ebe hi, “fel hyn,—na charaf fi dydi, ac na’th fynnaf yn dragwyddol.”

“Minnau a roddaf fy llŵ,” ebe Peredur, “na ddywedaf innau air byth wrth ⁹gristion hyd oni ddeui i fy ngharu i yn fwyaf gŵr.”

Trannoeth cerddodd Peredur ymaith, a dilynodd y brif-ffordd ar hyd cefn mynydd

mawr. Ac ar derfyn y mynydd gwelai ddyffryn crwn, a gororau y dyffryn yn goediog a charegog, a gwastad y dyffryn oedd yn weirgloddiau.

Ac ym mynwes y coed gwelai dai duon mawr, ac an-fanwl eu gwaith. Disgynnodd, ac arweiniodd ei farch tua'r coed. Ac ar odreu'r coed gwelai ochr carreg
Fel y lem, ar ffordd yn mynd heibio
lladdwyd ochr y garreg,—a llew yn rhwym
llew. wrth gadwyn, ac yn cysgu ar
 ochr y garreg. A thwll dwfn, erchyll ei faint, a welai dan y llew, a'i lond o esgyrn dynion ac anifeiliaid. Tynnodd Peredur ei gleddyf, a tharawodd y llew nes y syrthiodd i'r dibin wrth y gadwyn uwch ben y pwll. Ac â'r ail ddyrnod tarawodd y gadwyn nes ei thorri, a syrthiodd y llew i'r pwll. Ac arwain ei farch ar hyd ochr y garreg a wnaeth Peredur oni ddaeth i'r dyffryn. Ac efe a welai ar ganol y dyffryn gastell teg. A daeth at y castell. Ac ar y weirglodd wrth y castell gwelai ŵr mawr llwyd yn eistedd. Mwy oedd nag un gŵr a welsai erioed. A dau was ieuainc yn taflu carnau eu cylleill o asgwrn morfil. Y naill o honynt yn was gwinau a'r llall yn was melyn. A dyfod rhagddo a wnaeth hyd y lle yr oedd y gŵr llwyd, a chyfarch gwell iddo a wnaeth Peredur. A'r gŵr llwyd a ddywedodd,—

Fel y “Gwae fy mhorthor!”

gorchfyg- Ac yna y deallodd Peredur mai
wyd y y llew oedd y porthor.

gwr llwyd. Ac yna yr aeth y gŵr gwallt-
 wyn, a'r gweision gydag ef, i'r castell, ac aeth Peredur gyda hwy. A lle

teg anrhydeddus a welai ef yno, a daethant i'r neuadd. A'r byrddau oedd wedi eu gosod, a bwyd a diod yn ddi-dlawd arnynt. Ac ar hynny gwelai wraig go hen a gwraig ieuanc yn dyfod o'r ystafell. A'r gwragedd mwyaf a welsai erioed oeddynt. Ac ymolchi a wnaethant, a myned i fwyta. A'r gŵr llwyd a eisteddodd wrth ben y bwrdd, a'r wraig go hen yn nesaf iddo. A rhoddwyd Peredur a'r forwyn i eistedd gyda'u gilydd, a gwasanaethai y ddau was arnynt. Ac edrych a wnaeth y forwyn ar Beredur, a thristau. A gofyn a wnaeth Peredur i'r forwyn paham yr oedd yn drist.

“Tydi, enaid, er pan y'th welais gyntaf a gerais yn fwyaf gŵr. A garw yw gennyf weled ar was cyn foneddigeidded a thi y diwedd a fydd arnat yfory. A welaist ti y tai duon aml ym mron y coed? Deiliaid i fy nhad i,—y gŵr gwalltwyn acw, sydd yn y rhai hynny yn byw, a chewri ydynt oll. Ac yfory hwy a ymgasglant yn dy erbyn, ac a'th laddant. A'r Dyffryn Crwn y gelwir y dyffryn hwn.”

“Ie, forwyn deg, a beri di fod fy march i a'm harfau yn yr un llety a mi heno?”

“Peraf, yn wir, os gallaf, yn llawen.”

Pan fu amserach ganddynt gymeryd hûn na chyfeddach, aeth i gysgu. A'r forwyn a barodd fod march ac arfau Peredur yn yr un llety ag ef. A thrannoeth, clywai Peredur dwrf gwŷr meirch gylch y castell. A Pheredur a gyfododd, ac a wisgodd ei arfau am dano ac am ei farch, ac aeth i'r weir-glodd. A daeth y wraig hen a'r forwyn at y gŵr llwyd.

“Arglwydd,” ebe hwy, “cymer lŵ y

gwas ieuanc na ddywedo ddim a welodd yma. A ni a fyddwn drosto y ceidw ei air."

"Na chymeraf, myn fy nghred," ebe y gŵr llwyd.

Ac ymladd a wnaeth Peredur â'r llu. Ac erbyn y gwyll fe ddarfu iddo ladd un rhan o dair o'r llu, heb neb ei anafu ef. Ac yna y dywedodd y wraig go hen,—

"Fe ddarfu i'r gŵr ieuanc ladd llawer o'th lu. Dyro nawdd iddo?"

"Na roddaf, yn wir," ebe ef.

A'r wraig go hen a'r forwyn deg oedd ar fwlch y gaer yn edrych. Ac ar hynny cyfarfyddodd Peredur â'r gwas melyn, a lladdodd ef.

"Arglwydd," ebe y forwyn, "dyro nawdd i'r gwas ieuanc?"

"Na roddaf, yn wir," ebe y gŵr llwyd.

Ac ar hynny cyfarfyddodd Peredur â'r gwas gwineu, a lladdodd ef.

"Buasai'n well i ti pe rhoddasit nawdd i'r gŵr ieuanc cyn iddo ladd dy ddau fab. A phrin y dihengi dithau dy hun."

"Dos dithau, forwyn, ac ymbil â'r gŵr ieuanc roddi nawdd i ni."

A'r forwyn a ddaeth o'r lle yr oedd Peredur, ac erchi nawdd ei thad a wnaeth, ac i'r sawl a ddihangasai o'i wŷr yn fyw.

"Cei dan amod,—myned o'th dad a phawb sydd dano i wrhau i'r ymherawdwr Arthur, ac i ddywedyd wrtho mai Peredur, gŵr iddo, a wnaeth y gwasanaeth hwn."

"Gwnawn, yn wir, yn llawen."

"A chymeryd eich bedyddio. A minnau a anfonaf at Arthur, i erchi iddo roddi y dyffryn hwn i ti, ac i'th etifedd byth ar dy ol."

Ac yna y daethant i fewn, a chyfarch gwell a wnaeth y gŵr llwyd a'r wraig fawr i Beredur. Ac yna y dywedodd y gŵr llwyd, —

“Er pan ydwyf yn meddu y dyffryn hwn ni welais gristion a elai a'i enaid ganddo oddi yma, ond dydi. A ninnau a awn i wrhau i Arthur, ac i gymeryd cred a bedydd.”

Ac yna y dywedodd Peredur, —

“Diolchaf finnau i Dduw, na thorrais innau fy llŵ wrth y wraig fwyaf a garaf, na ddywedwn un gair wrth gristion.”

Trigo yno a wnaeth y nos honno.

Trannoeth y bore aeth y gŵr llwyd a'i nifer gydag ef i lys Arthur. Daethant yn ddeiliaid iddo, a pharodd Arthur eu bedyddio. Ac yna dywedodd y gŵr llwyd wrth Arthur mai Peredur a'u gorchfygodd. A rhoddodd Arthur i'r gŵr llwyd a'i nifer y dyffryn i'w ddal dano ef, fel yr archodd Peredur. A chan gennad Arthur aeth y gŵr llwyd ymaith tua'r Dyffryn Crwn.

Peredur yntau a gerddodd rhagddo y bore drannoeth trwy ddiffaethwch hir heb gael cyfannedd. Ac yn y diwedd ef a ddaeth i gyfannedd fechan foel. Ac yno y clywai fod sarff yn gorwedd ar fodrwy aur, ac ni adawai neb fyw saith milltir o bob tu iddi.

Ac aeth Peredur i'r lle y clywai

Fel y fod y sarff, ac ymladd a wnaeth
lladdwyd â'r sarff yn llidiog iawn. Ac yn
sarff. y diwedd lladdodd hi, a chymerodd y fodrwy iddo ei hun. Ac

felly y bu ef yn cerdded yn hir, heb ddweyd yr un gair wrth yr un cristion. Ac am hynny yr oedd yn colli ei liw a'i wedd o

hiraeth gwir am lys Arthur, a'r wraig fwyaf a garai, a'i gyfeillion. Oddi yno y cerddodd tua llys Arthur. Ac ar y ffordd cyfarfu teulu Arthur âg ef yn myned i neges, a Chai yn eu harwain. Adwaenai Peredur bawb o honynt, ond ni adwaenai neb o'i teulu ef.

“O ba le y deui, unben?” ebe Cai, ddwy waith a thair. Ond ni atebodd ef un gair. Ei wanu a wnaeth Cai â gwaew dan ei forddwyd. A rhag iddo gael ei orfodi i siarad, a thorri ei lŵ, myned heibio a ddarfu heb ymryson âg ef. Ac yna y dywedodd Gwalchmai,—

“Yn wir, Cai, drwg wneist yn archolli y gŵr ieuanc yma er na allai siarad.”

A dychwelodd Gwalchmai drachefn i lys Arthur.

“Arglwyddes,” ebe ef wrth Wenhwyfar, “a weli di archoll mor ddrwg a wnaeth Cai ar y gŵr ieuanc yma er na allai ddywedyd. Ac er Duw ac erof finnau, par di ei feddyg-iniaethu ef. A phan ddychwelwyf eto mi a dalaf y pwyth i ti.”

Cyn i'r gwŷr ddyfod yn ol o'u neges, daeth marchog i'r weirglodd, yn ymyl llys Arthur, i erchi gŵr i ymladd. A hynny a gafodd, a Pheredur a'i taflodd ef. Ac wythnos y bu yn taflu marchog bob dydd. Ac un dydd yr oedd Arthur a'i deulu yn dyfod i'r eglwys, a'r hyn welent oedd marchog wedi codi arwydd ymladd.

“Ha wŷr,” ebe Arthur, “myn grym gŵr, nid af oddi yma hyd oni chaffwyf fy march a'm harfau i dafu yr hunan acw.”

Yna yr aeth gweision yn ol march ac arfau i Arthur. A Pheredur a gyfarfu y

gweision yn myned heibio, a chymerodd y march a'r arfau, ac aeth i'r weirglodd. A phan welsant ef yn cyfodi ac yn myned i'r weirglodd i ymladd, aeth pawb i ben y tai a'r bryniau, neu i le uchel, i weled yr ymladd. A'r hyn wnaeth Peredur

Fel y bu oedd amneidio â'i law ar y *ymladdfa*. marchog i erchi iddo ddechreu arno. A'r marchog a ymosododd arno, ond nid ysgogodd ef o'i le er hynny. Ac yntau, Peredur, a ymbaratodd, ac a'i cyrchodd yn llidiog iawn ac angerddol, yn chwerw a phenderfynol, ac a wanodd ddyrnod wenwyn-lym, dost, deheuig ei ffurf, dan ei ddwy ên, nes ei godi oddi ar ei gyfrwy, a'i fwrw ymhell oddi wrtho. Ac yna dychwelodd, a gadawodd y march a'r arfau i'r gweision fel cynt. Ac aeth yntau ar ei draed i'r llys. A'r gŵr ieuanc mud y gelwid Peredur yno. Ar hynny dacw Angharad Law Eurog yn ei gyfarfod.

“Yn wir, unben,” ebe hi, “gresyn yw na alli siarad; a phe gallet siarad mi a'th garwn yn fwyaf gŵr. Ac myn fy llw, er nas gelli, mi a'th garaf yn fwyaf gŵr.”

“Duw a dalo i ti, fy chwaer,” ebe Peredur, “a myn fy llw, minnau a'th garaf di.”

Ac yna y gwybyddwyd mai Peredur oedd. Ac yna y bu ef mewn cymdeithas â Gwalchmai, ac Owain fab Uryen, ac â phawb o'r teulu, a thrigodd yn llys Arthur.

Arthur a oedd yng Nghaer *Fel yr aeth* Lleon ar Wysg. A myned a *Arthur i* wnaeth i hela, a Pheredur gydag *hela.* ef. A Pheredur a ollyngodd ei gi ar ol hydd. A'r ci a laddodd yr hydd mewn diffaethwch. Ac ychydig

bellter oddi wrtho gwelai gyfannedd. A thua'r gyfannedd y daeth. Ac ef a welai neuadd. Ac wrth ddrws y neuadd gwelai dri gwas penfoel yn chwarae gwydd-bwyll. A phan ddaeth i fewn, gwelai dair morwyn yn eistedd ar fainc, a gwisgoedd yr un fath am danynt, fel y gweddai i foneddigesau.

Ac aeth Peredur i eistedd atynt ar y fainc. Ac un o'r morwynion a edrychodd yn graff ar Beredur, a wylo a wnaeth. A Pheredur a ofynnodd iddi am beth y wylai.

“Gan mor drist gennyf weled lladd gŵr cyn deced a thi.”

“Pwy a'm lladd i?” ebe Peredur.

“Pe yr atelïai hyn i ti aros yn y lle hwn, mi a'i dywedwn i ti.”

“Er maint fo y llafur arnaf yn aros, mi a'i gwrandawaf.”

“Y gŵr sydd dad i mi,” ebe y forwyn, “biau y llys hwn, a hwnnw a ladd bawb a ddel i'r llys heb ei ganiatad.”

“Pa ryw ŵr yw eich tad chwi pan allo ladd pawb felly?”

“Gŵr yw a wna drais a cham i'w gymdogion, ac ni wna iawn i neb am hynny.”

Ac yna y gwelai ef y gweision yn cyfodi, ac yn cadw y werin oddi ar y bwrdd. Ac efe a glywai dwrf mawr. Ac wedi y twrf gwelai ŵr du mawr un llygad yn dyfod i fewn. A'r morwynion a gyfodasant i'w

gyfarfod, a thynnu ei fantell oddi am dano a wnaethant. Ac wedi ymbiliodd iddo sylwi ac arafu, edrych a morwynion wnaeth ar Beredur, a gofyn pwy dros oedd y marchog.

Peredur. “Y gwas ieuanc tecaf a bonheddigeiddiaf a welaist erioed.

Ac er Duw, ac er dy hynawsedd dy hun, cymer bwyll gydag ef."

"Erot ti mi a bwyllaf, ac a roddaf ei fywyd iddo heno."

Ac yna y daeth Peredur atynt wrth y tân. Ac a gymerth fwyd a diod, ac ymddiddan â'r rhianod a wnaeth. Ac yna y dywedodd Peredur wrth y gŵr du,—

"Rhyfedd yw gennyf dy fod gadarned ag y dywedi dy fod. Pwy a dynnodd dy lygad di?"

"Un o'm rheolau yw," ebe y gŵr du, "pwy bynnag a ofyn i mi yr hyn yr wyt ti wedi ei ofyn, na chaiff ei fywyd gennyf yn rhad nac ar werth."

"Arglwydd," ebe y forwyn, "er a ddywedo yn ysgafn am danat, cadw y gair a ddywedaist gynneu, ac a addewaist wrthyf."

"A minnau a wnaaf hynny yn llawen erot," ebe y gŵr du. "Mi a adawaf ei fywyd iddo yn llawen heno."

Ac felly y trigasant y nos honno. A thrannoeth cyfodi a wnaeth y gŵr du, a gwisgo arfau am dano. Ac archodd i Peredur,—

"Cyfod, ddyn, i fyny i ddiodd-
Fel y ceis- ef angeu," ebe y gŵr du.

iodd y gwr Peredur a ddywedodd wrtho,—

du ladd "Gwna y naill beth, y gŵr du,

Peredur. os ymladd a fynni â mi,—ai tynnu dy arfau oddi am danat, ai rhoddi arfau eraill i minnau i ymladd â thi."

"Ha, ddyn, a'i ymladd a allet ti pe caffet arfau? Cymmer yr arfau a fynnot."

Ar hynny daeth y forwyn â'r arfau a oedd yn hoff ganddo i Beredur. Ac ymladd a

wnaeth â'r gŵr du, nes y bu raid i'r gŵr du erchi nawdd Peredur.

“Y gŵr du, ti a geffi nawdd tra y byddi yn dweyd wrthyf pwy wyt, a phwy dynnodd dy lygad.”

“Arglwydd, minnau a ddywedaf. Ymladd y bum â'r pryf du o'r Garn. Crug sydd a elwir Crug Alar, ac yn y grug y mae carn. Ac yn y garn y mae y pryf. Ac yng nghynffon y pryf y mae maen. A rhinweddau y maen ydynt,—pwy bynnag a'i caffai yn ei naill law, ar ei law arall caffai a fynnai o aur. Ac wrth ymladd â'r pryf hwnnw y collais i fy llygad. A'm henw innau yw y Du Trahaus. A'r achos fy ngalw y Du Trahaus yw am na adawn ddyd yn agos i'm heb ei dreisio, ac iawn nis gwnawn i neb.”

“Ie,” ebe Peredur, “pa cyn belled yw y grug a ddywedi?”

“Y dydd y cychwynni oddi yma, ti a ddoi i lys meibion Brenin y Dioddefaint.”

“Paham y gelwir hwy felly?”

“Bwystfil y llyn a'u tarawai unwaith bob dydd. Pan ddeui oddi yno ti a ddeui i lys Iarlles y Campau.”

“Pa gampau,” ebe Peredur, “sydd yno?”

“Tri chan ŵr sydd iddi yn deulu. A dywedir campau y teulu i bob dyn dieithr a ddel i'r llys. A'r achos am hynny yw hyn,—y tri chan ŵr y teulu a eistedd yn nesaf at yr arglwyddes. Ac nid er amharch i'r dieithriaid, ond er dywedyd campau y llys. Y dydd yr ai oddi yno y deui i'r Grug Galarus. Ac yno y mae perchen tri chan pabell o gylch y grug yn cadw y pryf.”

“Gan dy fod wedi gorthrymu cyhyd a hyn, mi a wnaef na wnaef byth

Fel y bellach.”

lladdodd A Pheredur a'i lladdodd. Ac
Peredur yna y dywedodd y forwyn a
y gwr du. ddechreuasai ymddiddan âg ef,—

“Os mai tlawd y daethost yma, cyfoethog fyddi bellach o drysor y gŵr du a leddaist. A thi a weli y fath forwynion hygar y sydd yn y llys hwn. Ti a geffi yr un a fynni o honynt yn wraig.”

“Ni ddaethum i yma o'm gwlad, arglwyddes, i wreica; ond gweision hygar a welaf yma. Prioded pawb o honoch â'u gilydd fel y mynno. A dim o'ch da chwi nis mynnaf, ac nid rhaid i'm wrtho.”

Oddi yno cychwynnodd Peredur
Fel y daeth rhagddo, a daeth i lys meibion
Peredur i Brenin y Dioddefaint. A phan
lys meibion ddaeth i'r llys ni welai ond
Brenin y gwagedd. A'r gwagedd a gyf-
Dioddef- odasant i'w gyfarfod, ac a fuont
aint. lawen wrtho. Ac ar ddechreu eu hymddiddan ef a welai farch yn dyfod a chyfrwy arno, a chorff ar y cyfrwy. Ac un o'r gwagedd a gyfododd i fyny, ac a gymerth y corff o'r cyfrwy, ac a'i golchodd mewn cawg oedd is law y drws a dwfr twym ynddi, ac a ddodes eli gwerthfawr arno. A'r gŵr a gyfododd yn fyw, ac a ddaeth i'r lie yr oedd Peredur, gan ei groesawu. A bu yn llawen wrtho. A dau ŵr arall a ddaeth yn eu cyfrwyau. A'r un peth a wnaeth y forwyn i'r ddau hynny ac a wnaethai i'r cyntaf. Ac yna y gofynnodd Peredur i'r unben paham yr oeddynt felly. Hwytthau a ddywedasant fod bwystfil mewn ogof, ac

mai hwnnw a'u tarawai unwaith bob dydd. Ac felly y trigasant y nos honno. A thrannoeth y cyfododd y gweision i fyned rhagddynt. A Pheredur a archodd, er mwyn y ferch a garent fwyaf, iddynt ei adael fyned gyda hwy. A hwythau a omeddasant iddo gan ddywedyd,—

“Pe y'th leddid yno, nid oes i ti a'th wnelai yn fyw drachefn.”

Ac yna y cerddasant rhagddynt. A cherddodd Peredur yn eu hol. Ac wedi iddynt ddiflannu fel na welai hwy, cyfarfu â'r wraig decaf a welsai neb yn eistedd ar ben crug.

“Mi a wn dy hynt,” ebe hi; “myned yr wyt i ymladd â'r bwystfil. Ac efe a'th ladd,—nid am ei fod yn ddewr, ond am ei fod yn gyfrwys. Ogof sydd iddo, a philer maen sydd ar ddrws yr ogof. Ac y mae ef yn gweled pawb yn dyfod i fewn, ond ni wel neb ef. Ac â llech-waew wenwynig o gysgod y piler y lladd efe bawb.

Fel y cafwyd maen rhyfedd. A phe rhoddet ti dy lw y caret fi yn fwyaf gwraig, mi a roddwn i ti faen fel y gwelot ef pan elot i fewn, ond ni welai ef dydi.”

“Rhoddaf, yn wir,” ebe Peredur, “er pan y'th welais gyntaf mi a'th gerais. A pha le y ceisiwn i dydi?”

“Pan geisiech di myfi cais tua'r India.”

Ac yna y diflannodd y forwyn ymaith, wedi rhoddi y maen yn llaw Peredur. Ac yntau a ddaeth i ddyffryn afon. A gororau y dyffryn oedd yn goed, ac o bob tu i'r afon yn weirgloddiau gwastad. Ac ar un ochr i'r afon gwelai yr o ddefaid gwynion, ac ar yr ochr arall gwelai yr o ddefaid duon. Ac

fel y brefai un o'r defaid gwynion, deuai un
o'r defaid duon drwodd a byddai
Fel yr ai yn wen. Ac fel y brefai un o'r
defaid du defaid duon, deuai un o'r defaid
yn wyn, a gwynion drwodd a byddai yn
defaid ddu. A phren hir a welai ar lan
gwyn yn yr afon; a'r naill hanner o hono
ddu. yn llosgi o'r gwraidd hyd y blaen,
a'r hanner arall a dail îr arno.

Ac uwch law yr afon gwelai was ieuanc yn
eistedd ar ben crug, a dau filgi bronwynion
brychion mewn cadwyni yn gorwedd yn ei
ymyl. A diau oedd ganddo na welodd
erioed was ieuanc mor urddasol ag ef. Ac
yn y coed ar ei gyfer clywai helgwn yn codi
hydd. A chyfarch gwell a wnaeth i'r gwas
ieuanc, a'r gwas ieuanc a gyfarchodd well i
Beredur. A thair ffordd a welai Peredur
yn myned oddiwrth y grug. Dwy ffordd
yn fawr, a'r drydedd yn llai. A gofyn a
wnaeth Peredur i ba le yr äi y tair ffordd.

“Un o'r ffyrdd a ä i'm llys i. A chying-
horaf di wneyd un o ddau beth,—myned i'r
llys o'm mlaen at fy ngwraig sydd yno, ynte
aros yma, a thi a weli yr helgwn yn codi yr
hyddod blin o'r coed i'r maes. A thi a
weli y milgwn goreu a glewaf a welaist
erioed yn lladd yr hyddod wrth y dwfr is
law. A phan fo yn amser i ni fyned i fwyta,
daw fy ngwas â'm march i'm cyfarfod. A
thi a geffi groesaw yn fy llys heno.”

“Duw a ddiolcho i ti. Nid arhosaf fi,
ond ymlaen yr af.”

“Y naill ffordd a ä i'r ddinas sydd yn
agos yma, ac yn honno ceffir bwyd a diod ar
werth; a'r ffordd y sydd lai na'r lleill a ä
tuag Ogof y Bwystfil.”

“Gan dy gennad, ŵr ieuanc, tuag yno yr af fi.”

A dyfod a wnaeth Peredur *Fel y daeth* tua'r ogof. A chymeryd y maen *Peredur i* yn ei law aswy, a'i waew yn ei *Ogof y* law ddeheu. Ac fel y deuai i *Bwystfil*. fewn, darganfod y bwystfil a wnaeth, a'i wanu â gwaew trwyddo, a thorri ei ben. A phan ddaeth i maes o'r ogof, wele, yn nrws yr ogof, ei dri chydymaith. A chyfarch gwell a wnaethant i Beredur, a dywedyd fod darogan mai efe a laddai y bwystfil hwnnw. A rhoddi y pen a wnaeth Peredur i'r gwŷr ieuainc. A chynnyg a wnaethant hwythau iddo yr un a fynnai o'u tair chwaer yn briod, a hanner eu hetifeddiaeth gyda hi.

“Ni ddaethum i yma i wreica,” ebe Peredur. “A phe mynnwn un wraig, mae yn debyg mai eich chwaer chwi a fynnwn yn gyntaf.”

A cherdded rhagodd a wnaeth Peredur. Ac efe a glywai dwrf yn ei ol. Ac edrych a wnaeth yntau yn ei ol. Ac ef a welai ŵr ar gefn march coch, ac arfau cochion am dano. A'r gŵr a ddaeth yn gyfochr âg ef. A chyfarch gwell o Dduw ac o ddyn a wnaeth i Beredur. Ac yntau, Peredur, a gyfarchodd well i'r gŵr ieuanc yn garedig.


“Arglwydd, dyfod i ddeisyf *Fel y deis-* peth gennyf yr wyf fi.”

yfodd Etlym “Beth a ddeisyfi di?” ebe *Gleddyf* Peredur.

Goch. “Fy nghymeryd yn was i ti.”

“Pwy a gymerwn innau yn was, pe cymerwn i di?”

“Ni chelaf fy llinach rhagot. Etlym



“A DYFOD A WNAETH PEREDUR TUA'R OGOF.” t.d. 40.



Gleddyf Coch ym gelwir, iarll o ystlys y dwyrain.”

“Rhyfedd gennyf dy fod yn cynnyg dy hun yn was i ŵr nad yw ei gyfoeth yn fwy na’th gyfoeth di. Nid oes i minnau ond iarllaeth arall. Ac am mai gwiw gennyf ti ddyfod yn was i mi, mi a’th gymeraf yn llawen.”

A dyfod a wnaethant tua llys yr iarll. A llawen fuwyd wrthynt yn y llys. A dywedwyd wrthynt mai nid er amharch iddynt y dodid hwy is law y teulu wrth y bwrdd, ond mai arferiad y llys oedd hynny. Ond y neb a daflai dri channwr ei theulu hi, bwyta a gaffai yn nesaf iddi, a hi a’i carai yn fwyaf gŵr.”

Ac wedi i Peredur daflu tri channwr y teulu i’r llawr, ac eistedd ar y naill law iddi, y dywedodd yr iarll,—

“Diolchaf i Dduw am gael gwas cyn deced a chyn hardded a thi, gan na chefais y gŵr mwyaf a garwn.”

Fel y bu priodas. “Pwy oedd y gŵr mwyaf a garet tithau?”

“Yn wir, Etlym Gleddyf Coch oedd y gŵr mwyaf a garwn i, ac nis gwelais ef erioed.”

Yn wir, cydymaith i mi yw Etlym,—a dyma ef. Ac er ei fwyn ef y daethum i chware â’th deulu di. Ac ef a allai wneyd hynny yn well na myfi pe mynnai. A minnau a’th roddaf di iddo ef.”

“Duw a dalo i tithau, ŵr ieuanc, teg. A minnau a gymeraf y gŵr mwyaf a garaf.”

A’r nos honno priodwyd Etlym a’r iarll.

A thrannoeth cychwyn a wnaeth Peredur tua’r Crug Galarus.

“Myn dy law di, arglwydd, mi a ddeuaf gyda thi,” ebe Etlym.

A hwy a ddaethant hyd i'r lle y gwelent y crug a'r pebyll.

“Dos,” ebe Peredur wrth Etlym, “at y gwŷr acw, ac arch iddynt ddyfod i wrhau i mi.”

Ac aeth Etlym atynt, ac a ddywedodd wrthynt fel hyn,—

“Deuwch i wrhau i'm harglwydd i.”

“Pwy yw dy arglwydd di?” ebe hwythau.

“Peredur Paladyr Hir yw fy arglwydd i,” ebe Etlym.

“Pe gweddus difetha cennad, ni aet drachefn yn fyw at dy arglwydd, am erchi arch mor drahaus i frenhinoedd, a ieirll, a barwniaid, a dyfod i wrhau i'th arglwydd di.”

Peredur a archodd iddo fyned drachefn atynt, a rhoddi dewis iddynt, ai dyfod i wrhau iddynt ai i ymladd âg ef. Hwythau a ddewisasant ymladd âg ef. A Pheredur a daflodd berchen can pabell y dydd hwnnw i'r llawr.

A'r trydydd dydd penderfynodd cant wrhau i Beredur.

A Pheredur a ofynnodd iddynt, beth a wnaent yno. A hwythau a ddywedasant mai gwyllo y pryf hyd nes y byddai farw yr oeddynt. “Ac yna ymladd a wnaem niunau am y maen, a'r un fyddai drechaf o honom a gai y maen.”

Fel y lladdodd Peredur y pryf. “Arhoswch fi yma,” ebe Peredur, “mi a af i ymweled â'r pryf.”

“Nage ef, arglwydd,” ebe hwy, “awn i gyd i ymladd â'r pryf.”

“Ie,” ebe Peredur, “ni fynnaf fi hynny.

Pe lladdwn i y pryf, ni chawswn i fwy o glod nag un o honoch chwithau."

A myned a wnaeth i'r lle yr oedd y pryf, a'i ladd. A dyfod atynt hwythau, a dywed- yd wrthynt,—

"Cyfrifwch eich traul er pan ddaethoch yma, a mi a'i talaf i chwi," ebe Peredur.

Ac efe a dalodd gymaint ag a ddywedodd pawb oedd ddyledus iddo; ac ni archodd iddynt ddim ond addef eu bod yn wŷr iddo ef. Ac efe a ddywedodd wrth Etlym,—

"At y wraig fwyaf a geri yr äi dithau. A minnau a af rhagof. Ac mi a dalaf i ti am fod yn was i mi."

Ac yna y rhoddodd efe y maen i Etlym

"Duw a dalo i ti, a rhwydded Duw dy daith."

Ac ymaith yr aeth Peredur. Ac efe a ddaeth i ddyffryn ag afon yno, y tecaf a welsai erioed. A llawer o bebyll amryliw a welai ef yno. A rhyfeddach na hynny oedd ganddo weled cynifer a welai o felinau dwfr a melinau gwynt. A chyfarfyddodd gŵr gwineu mawr âg ef, a gwaith saer ganddo. A gofyn pwy oedd a wnaeth Peredur.

"Pen melinydd wyf fi," ebe ef, "ar y melinau acw oll."

"A gaf fi lety gennyf?" ebe Peredur.

"Ceffi yn llawen," ebe yntau.

A daeth Peredur i dŷ y melinydd. Ac efe a welodd mai llety hoff, teg, oedd i'r melinydd. A gofynnodd Peredur i'r melinydd arian yn fenthyg i brynnu bwyd a diod iddo, ac i dylwyth y tŷ, ac y talai iddo cyn yr äi oddi yno. A gofyn a wnaeth i'r melinydd pa achos y deuai cynifer o bobl yno. Yna y dywedodd y melinydd wrth Peredur,—

“Mae y naill beth,—am dy fod yn wŕ o bell, ynte am dy fod yn ynfyd. Yma y mae brenhines Cristinobyl Fawr. Ac ni fyn honno ond y gŵr dewraf, canys nid rhaid iddi wrth eiddo. Ac ni ellid dwyn bwyd i'r fath filoedd ag sydd yma. Ac o achos hynny y mae yr holl felinau hyn.”

A'r nos honno cymeryd eu hesmwythder a wnaethant. A thrannoeth cyfodi i fyny a wnaeth Peredur, a gwisgo am dano ac am ei farch i fyned i'r twrneiment. A gwelai babell ymhlith y pebyll eraill y rhai tecaf a welsai erioed. A morwyn deg a welai yn estyn ei phen trwy ffenestr ar y babell. Ac ni welsai erioed forwyn decach. Ac eur wisg o bali am dani. Ac edrych a wnaeth ar y forwyn yn graff,—a'i charu yn fawr wnai. Ac felly y bu yn edrych ar y forwyn o'r bore hyd hanner dydd; ac o hanner dydd hyd nes oedd brydnawn. Ac yna fe ddarfyddodd y twrneiment. A dyfod a wnaeth i'r llety, a thynnu ei arfau oddi am dano, a gofyn arian yn fenthyg i'r melinydd. A dig fu gwraig y melinydd wrth Peredur; ond er hynny, rhoddodd y melinydd arian yn fenthyg iddo. A thrannoeth y gwnaeth yr un wedd ac y gwnaeth y dydd cynt. A'r nos honno y daeth i'r llety, a chymerodd arian yn fenthyg gan y melinydd. A'r trydydd dydd, pan ydoedd yn yr un lle yn edrych ar y forwyn, clywai ddyrnod mawr rhwng ei ysgwydd a'i wddf â throed bwyall. A phan edrychodd drachefn y melinydd oedd yno. Y melinydd a ddywedodd wrtho,—

“Gwna y naill beth,—dos ymaith, ynte el i'r twrneiment.”

A gwenu a wnaeth Peredur ar y melinydd, a myned i'r twrneiment. Ac a gyfarfu âg ef y dydd hwnnw efe a'u taflodd hwy oll i'r llawr; ac anfonodd yr holl wŷr a daflodd yn anrheg i'r ymherodres, a'r meirch a'r arfau yn anrheg i wraig y melinydd am aros am yr arian benthyg. Dilyn y twrneiment a wnaeth Peredur oni thaflodd bawb i lawr; ac anfon y gwŷr a wnaeth i garchar yr ymherodres, a'r meirch a'r arfau i wraig y melinydd am aros am yr arian benthyg. Yr ymherodres a anfonodd at farchog y felin i erchi iddo ddyfod i ymweled â hi. A gwrthod a wnaeth Peredur y gennad gyntaf. A'r ail a aeth ato. A hithau y drydedd waith anfonodd gan marchog i erchi iddo ddyfod i ymweled â hi. Ac oni ddeuai o'i fodd, erchi iddynt ei ddwyn o'i anfodd. A hwy a aethant ato, ac a ddywedasant eu cenadwri oddi wrth yr ymherodres. A Pheredur a ymladdodd yn dda â hwy, ac a barodd eu rhwymo hwy fel rhwymo iwrch, a'u bwrw i ffos y felin. A'r ymherodres a ofynnodd gyngor y gŵr doeth a oedd yn ei chyngor. A hwnnw a ddywedodd wrthi,—

“Mi a af ato, os caniatei.”

A dyfod a wnaeth at Peredur a chyfarch gwell iddo, ac erchi arno, er mwyn y ferch fwyaf a garai, i ddyfod i ymweled â'r ymherodres. Ac yntau a aeth,—ef a'r melinydd. Ac yn yr ystafell gyntaf y daeth iddi o'r babell eisteddodd. A hithau a ddaeth ar y naill law; a byr ymddiddan a fu rhyngddynt. Ac wedi cael cennad, myned a wnaeth Peredur i'w lety. Trannoeth ef a aeth i ymweled â hi. A phan ddaeth i'r babell, nid oedd un o ystafelloedd y babell

yn waeth eu diwyg na'u gilydd, am na wyddent hwy pa le yr eisteddai ef. Eistedd a wnaeth Peredur ar y naill law i'r ymherodres, ac ymddiddan a wnaeth yn garedig. Pan yr oeddynt felly hwy a welent ŵr du yn dyfod i mewu, a chwpan aur yn ei law yn llawn o win. A phlygu a wnaeth ar ben ei lin gerbron yr ymherodres, ac erchi arni na roddai hi ond i'r neb a ddelai i ymladd âg ef am dani. A hithau a edrychodd ar Peredur.

“Arglwyddes,” ebe ef, “moes i mi y gwpan.”

Ac yfed y gwin a wnaeth Peredur, a rhoddi y gwpan i wraig y melinydd. A phan yr ydoedd felly, wele ŵr mwy na'r llall, ag ewin pryf yn ei law ar ffurf cwpan, a'i lonaid o win. Rhoddodd ef i'r ymherodres, gan erchi arni na roddai ef ond i'r neb a ymladdai âg ef.

“Arglwyddes,” ebe Peredur, “moes ef i mi.”

A'i roddi i Beredur a wnaeth hithau; ac yfed y gwin a wnaeth Peredur, a rhoddi y gwpan i wraig y melinydd. A phan oeddynt felly, wele ŵr pengrych coch, oedd fwy nag un o'r gwŷr eraill, a chawg yn ei law a'i lonaid o win ynddo. A phlygodd ar ben ei lin o flaen yr ymherodres, ac a'i rhoddodd iddi, gan erchi iddi na roddai y cawg ond i'r un a ymladdai âg ef am dano. A'i roddi a wnaeth hithau i Beredur, ac yntau a'i hanfonodd i wraig y melinydd. A'r nos honno myned i'w lety a wnaeth Peredur. A thrannoeth gwisgo am dano, ac am ei farch, a dyfod i'r weirglodd a lladd y tri wŷr a wnaeth Peredur. Ac yna y daeth

i'r babell; a hithau a ddywedodd wrth Peredur,—

“Peredur deg, coffa dy lŵ a roddaist ti i mi pan roddais i ti y maen pan leddaist y bwystfil.”

“Arglwyddes,” ebe ef, “gwir a ddywedi, a minnau a'i cofiaf.”

Ac arhosodd Peredur gyda'r ymherodres bedair blynedd ar ddeg, fel y dywed yr ystori.

Arthur a oedd yng Nghaer Lleon ar Wysg, prif lys iddo. Ac yng nghanol llawr y neuadd yr oedd pedwar gŵr yn *Fel y daeth* eistedd ar len o bali,—Owain fab *morwyn* Uryen, a Gwalchmai fab Gwyar, *ddu ar* a Howel fab Emyr Llydaw, a *gefn mul* Pheredur Paladr Hir. Ac ar *melyn.* hynny hwy a welent yn dyfod i fewn forwyn ben-grech ddu ar gefn mul melyn. A charieu anhrefnus yn ei llaw yn gyrru y mul; a phryd garw ac angharuaidd arni. Duach oedd ei gwyneb a'i dwylaw na'r haiarn duaf wedi ei bygu. Ac nid ei lliw oedd yr hagraf, ond ei llun. Gruddiau aruchel oedd iddi, a gwyneb hir-gul, a thrwyn byr, ffroen-foel. A'i naill lygad yn frith-las chwerw, a'r llall yn ddu fel y muchudd yng ngheunant ei phen. Dannedd hirion melynion,—melynach na blodau y banadl. A chodai ei chorff oddi wrth ei dwyfron yn uwch na'i gên; ac asgwrn ei chefn a oedd fel bagl. Cyfarch gwell wnaeth i Arthur a'i deulu oll, ond i Beredur. Ac wrth Peredur dywedodd eiriau dig, anhygar.

“Peredur, ni chyfarchaf fi well i ti, ni

haeddi hynny. Dall fu ffawd pan roddodd i ti ddawn a chlod. Pan y daethost i lys y brenin cloff, a phan welaist yno y gwas yn dwyn y gwaew blaenllym, ac o flaen y waew ddafan o waed, a hwnnw yn rhedeg yn rhaiadr hyd i ddwrn y gwas. A rhyfeddodau ereill hefyd a welaist yno. Ac ni ofynnaist eu hystyr, na'r achos o honynt. A phe gofynnet, iechyd a gaffai y brenin, a'i gyfoeth heddwch. A bellach, brwydrau ac ymladdau, a cholli marchogion, a gadael gwagedd yn weddw, a rhianod yn ddiamddiffyn fydd yno,—a hynny oll o'th achos di."

Ac yna y dywedodd hi wrth Arthur,—

"Gan dy gennad, arglwydd, pell yw fy llety i oddi yma. Nid amgen nag yng nghastell Syberw—ni wn a glywaist am dano. Ac yn hwnnw y mae chwe marchog a thri ugain, a phum cant o farchogion urddol, a'r wraig fwyaf a gar pob un gydag ef. A phwy bynnag a fynno ennill clod am drin arfau ac am daro, ac ymladd, efe a'i caiff yno os yn ei haeddu. A phwy bynnag hefyd a fynnai glod ac edmygedd arbennig, gwn yn lle y caiff ef. Castell sydd ar fynydd amlwg; ac yn hwnnw y mae morwyn, a'i chystuddio a wneir yno. A phwy bynnag a allai ei rhyddhau, pen clod y byd a gai."

Ac ar hynny cychwyn ymaith a wnaeth. Ebe Gwalchmai,—

"Myn fy nghred, ni chysgaf hun lonydd nes gwybod a allaf ollwng y forwyn."

A llawer o deulu Arthur a gytunodd âg ef. Ond peth arall a ddywedodd Peredur,—

"Myn fy nghred, ni chysgaf hun lonydd nes gwybod chwedl ac ystyr y waew y dywedodd y forwyn ddu am dani."

A phan yr ydoedd pawb yn paratoi i gychwyn, wele farchog yn dyfod i'r porth, yn meddu maint a nerth milwr ynddo, ac yn gyflawn o arfau a dillad. A daeth ymlaen gan gyfarch gwell i Arthur a'i deulu oll, eithr i Walchmai. Ac ar ysgwydd y marchog yr oedd tarian aur gerfiedig, a thrawst o las cryf ynddi; a'r un lliw a hynny yr oedd yr arfau eraill oll. Ac efe a ddywedodd wrth Walchmai,—

“Ti a leddaist fy arglwydd o'th dwyll a'th frad. A mi a brofaf hynny yn dy erbyn.”

Cyfododd Gwalchmai i fyny.

“Dyma,” ebe ef, “fy ngwystl yn dy erbyn, nad wyf fi na thwyllwr na bradwr, yma nac yn y lle arall.”

“Ger bron y brenin sydd arnaf fi, y mynnaf fod yr ymdrechfa rhyngof â thi,” ebe y marchog.

“Yn llawen,” ebe Gwalchmai, “dos rhagot. Mi a ddeuaf ar dy ol.”

Rhagddo yr aeth y marchog; a pharatoi a wnaeth Gwalchmai. A llawer o arfau a gynhygiwyd iddo, ond ni fynnai ef ond ei rai ei hun. Gwisgo a wnaeth Gwalchmai a Pheredur am danynt, a cherddasant ar ei ol, o achos eu cyfeillgarwch a'r maint y carai y naill y llall. Ac nid aethant gyda'u gilydd, ond pawb ei ffordd ei hun.

Gwalchmai yn ieuentid y dydd a ddaeth i ddyffryn. Ac yn y dyffryn gwelai gaer, a llys mawr yn y gaer, a thyrau uchel-falch o'i gylch. Ac efe a welai farchog yn dyfod i'r porth allan i hela ar farch gloyw ddu, nwyfus, cyflym, gerddai'n wastad, a hoyw, a di-dramgwydd. A phwy oedd ond y gŵr biai y llys

Cyfarch gwell a wnaeth Gwalchmai iddo.

“Duw a roddo dda i ti, unben. O ba le y deui?”

“Deuaf o lys Arthur,” ebe ef.

“Ai gŵr i Arthur wyt ti?”

“Ie, myn fy nghred,” ebe Gwalchmai.

“Mi a wn gyngor da i ti,” ebe y marchog.

“Blin a lluddedig y’th welaf. Dos i’r llys, ac yno y trigi heno, os da gennyf.”

“Da, arglwydd, a Duw a dalo i ti.”

“Hwde fodrwy yn arwydd i’r porthor. A dos rhagot i’r tŵr acw, mae chwaer i mi ynddo.”

Ac i’r porth y daeth Gwalchmai, a dangos y fodrwy a wnaeth, a chyrchu y tŵr. A phan ddaeth i fewn yr oedd yno dân mawr yn llosgi, a fflam oleu, uchel, ddifwg, yn codi o hono, a morwyn fonheddig, lân, yn eistedd mewn cadair wrth y tân. A’r forwyn a fu lawen wrtho, a’i groesawu a wnaeth. Ac yntau a aeth i eistedd ar y naill law i’r forwyn; a’u cinio a gymerasant. Ac wedi eu cinio, dal i ymddiddan yn hygar a wnaethant. A phan oeddynt felly, dyma ŵr gwalltwyn bonheddig yn dyfod i fewn atynt.

“O ferch ddrwg,” ebe ef, “pe meddyliet ti ai iawn yw i ti ddiddanu ac eistedd gyda’r gŵr yna, nid eisteddet ac ni ddiddanet ef.”

Yna tynnodd ei ben o’r drws ac aeth ymaith.

“Ha, unben,” ebe y forwyn, “pe gwnelet fy nghyngor i, ti a gauet y drws, rhag ofn fod gan y gŵr gynllwyn yn dy erbyn.”

Cyfododd Gwalchmai i fyny, a phan ddaeth tua’r drws yr oedd y gŵr ar ei farch yn llawn arfau, yn cyrchu tua’r tŵr. A’r

hyn wnaeth Gwalchmai oedd ei atal rhag dyfod i fyny â bwrdd gwydd-bwyll, hyd nes y deuai'r gŵr oedd biai'r castell o hela. A'r hynny dyma'r iarll yn dyfod.

“Beth yw hyn?” ebe ef.

“Peth hagr,” ebe'r gŵr gwalltwyn, “fod y ferch ddrwg acw yn eistedd ac yn bwyta gyda'r gŵr a laddodd eich tad,—a Gwalchmai fab Gwyar yw.”

“Peidiwch, bellach,” ebe yr iarll, “myfi a af i mewn.”

Yr iarll a fu lawen wrth Gwalchmai.

“Ha, unben,” ebe ef, “cam oedd i ti ddyfod i'n llys ni os gwyddet i ti ladd ein tad. Ac er na allwn ni ei ddial, Duw a'i dial arnat.”

“Enaid,” ebe Gwalchmai, “dyma fel y mae pethau. Ni ddaethum yma i addef nac i wadu i'm ladd eich tad. Negeseuwr wyf yn myned dros Arthur a throswyf ty hwn Fe ddymunaf flwyddyn o amser hyd oni ddelwyf o'm neges. Ac yna, ar fy nghred, deuaif i'r llys hwn i wneuthur un o ddau beth,—ai addef ai gwadu.”

A'r amser a gafodd yn llawen. Ac yno y bu y nos honno. Trannoeth cychwyn ymaith a wnaeth. Ac ni ddywed yr ystori fwy na hynny am Walchmai yn y rhan honno o'r wlad.

A Pheredur a gerddodd rhagddo. Crwydro i'r ynys a wnaeth Peredur, i geisio chwedlau am y forwyn ddu; ac ni chafodd. Ac efe a ddaeth i dir nas adwaenai,—dyffryn ac afon yn myned trwyddo. Ac fel yr oedd yn cerdded y dyffryn, ef a welai farchog yn dyfod i'w gyfarfod, mewn gwisg offeiriad. Ac erchi ei fendith a wnaeth.

“Och, druan,” ebe ef, “ni haeddi fendith, ac ni wnai les i ti, am dy fod yn gwisgo arfau ar ddydd mor bwysig a’r ddydd heddyw.”

“A pha ddydd yw heddyw?”

Fel y cyf- ebe Peredur.

arfyddwyd “Dydd Gwener y Groglith yw
Peredur. heddyw.”

“Na cherydda fi,—ni wyddwn i hynny. Blwyddyn i heddyw y cychwynnais o’*m* gwlad.”

Ac yna disgyn i lawr a wnaeth, ac arwain ei farch yn ei law. A thalym o’r ffordd a gerddodd oni ddaeth at groesffordd, ac ai’r groesffordd i’r coed. Ar ochr arall i’r coed ef a welai gaer foel, ac arwydd fod pobl yn byw ynddi. A thua’r gaer yr aeth. Ac ar borth y gaer cyfarfu âg ef yr offeiriad a’i cyfarfyddasai ef cyn hynny; ac erchi ei fendith a wnaeth.

“Bendith Duw i ti,” ebe ef, “ac iawnach yw cerdded fel y gwnai na marchogaeth. A chyda mi y byddi heno.”

A thrigo a wnaeth Peredur y nos honno yno. Trannoeth gofyn a wnaeth Peredur gai fyned ymaith.

“Nid dydd heddyw i neb i gerdded. Ti a fyddi gyda mi heddyw, ac yfory a thrennydd. A mi a ddywedaf i ti yr hanes goreu a allwyf, am yr hyn yr wyt yn ei geisio.”

A’r pedwerydd ddydd gofyn a wnaeth Peredur a gai fyned ymaith, ac erfyn ar yr offeiriad ddywedyd hanes am Gaer y Rhyfeddodau.

“Cymaint ag a wypwyf fi, mi a’i dywedaf i ti. Dos dros y mynydd acw, a thu hwnt i’r mynydd y mae afon. Ac yn nyffryn yr

afon y mae llys brenin. Ac yno y bu y brenin y Pasc. Ac os ceffi yn un lle hanes am Gaer y Rhyfeddodau, ti a'i ceffi yno."

Ac yna y cerddodd Peredur rhagddo, ac a ddaeth i ddyffryn yr afon. A chyfarfu âg ef nifer o wŷr yn myned i hela. Ac ef a welai ymhlith y nifer ŵr urddasol, a chyfarch gwell iddo a wnaeth Peredur.

"Dewis di, unben, pa un wnai ai myned i'r llys, ynte dyfod gyda ni i hela. A minnau a yrraf un o'r teulu i'th orchymyn i ferch sydd yno i gymeryd bwyd a diod hyd oni ddelwyf o hela. Ac am dy negesau, yr hyn a allaf ei wneuthur, mi a'i gwnaf yn llawen.

A gyrru a wnaeth y brenin was byr-felyn gydag ef. A phan ddaethant i'r llys yr oedd yr unbennes wedi cyfodi, ac yn myned i ymolchi. Aeth Peredur rhagddo. A hi a groeshawodd Peredur yn llawen, ac a archodd iddo eistedd wrth ei hochr. A chymeryd eu cinio a wnaethant. A phabeth bynnag a ddywedai Peredur wrthi; chwerthin a wnai hithau yn uchel, fel y clywai pawb yn y llys. Ac yna y dywedodd y gwas byr-felyn wrth yr unbennes,—

"Myn fy nghred, os bu gŵr
Fel y gwen- i ti erioed, y gŵr ieuanc hwn
odd merch, yw. Ac oni bu gŵr it y mae
ac y carch- dy fryd a'th feddwl arno."

arwyd Per- A'r gwas byr-felyn a ddaeth
edur, at y brenin, ac a ddywedodd
mai tebycaf oedd ganddo fod y
gŵr ieuanc a'i cyfarfu ef yn ŵr i'w ferch.

"Ac onid gŵr mi a debygaf y bydd yn ŵr iddi yn fuan oni ateli ef."

"Beth yw dy gyngor di, was?" ebe'r brenin.

“Fy nghyngor yw i ti anfon dewr-wŷr yn ei erbyn a’i ddal, oni wypych yn sicr am hynny.”

Ac yntau a ddanfonodd wŷr yn erbyn Peredur i’w ddal a’i ddodi yng ngharchar. A’r forwyn a aeth i gyfarfod ei thad, ac a ofynnodd iddo, am ba achos y parasai garcharu y gŵr ieuanc o lys Arthur.

“Yn wir,” ebe yntau, “ni bydd yn rhydd heno, nac yfory, na thrennydd. Ac ni ddaw o’r lle y mae.”

Ni wynebodd hi yr hyn a ddywedodd y brenin. Ac aeth at y gŵr ieuanc.

“A’i annigrif gennyt ti dy fod yma?”

“Ni fuasai waeth gennyf heb fod.”

“Ni fydd waeth dy wely na’t h ansawdd nac un y brenin. A’r cerddau goreu yn y llys ti a’u ceffi wrth dy gyngor. A phe diddanach gennyt tithau na chynt, mi a ddeuwn i’th gysuro yma, ac i ymddiddan â thi. Ti a geffi hynny yn llawen.”

“Ni wrthwynefaf fi hynny,” ebe Peredur.

Ef a fu yng ngharchar y nos honno, a’r forwyn a gywirodd yr hyn a addawsai iddo. A thrannoeth y clywai Peredur gynnwrf yn y ddinas.

“O forwyn deg, pa gynnwrf yw hwn?” ebe Peredur.

“Llu y brenin a’i allu y sydd yn dyfod i’r ddinas hon heddyw.”

“Beth a fynnant hwy felly?”

“Iarll y sydd yn agos yma a dwy iarll-aeth iddo. Ac ymryson fydd rhyngddynt heddyw.”

“Dymuniad yw gennyf fi,” ebe Peredur, “i ti beri i mi farch ac arfau i fyned i

ddisgwyl am yr ymryson. Ac ar fy llw deuaf i'r carchar drachefn."

"Yn llawen," ebe hi, "mi a
Fel yr baraf i ti farch ac arfau."
ymladdodd A hi a roddodd iddo farch ac
Peredur. arfau, a mantell burgoch ar uchaf
 yr arfau, a tharian felen ar ei
 ysgwydd. A myned i'r ymryson a wnaeth.
 Ac a gyfarfu âg ef o wŷr yr iarll y dydd
 hwnnw efe a'u taflodd oll i'r llawr. Ac ef a
 ddaeth drachefn i'r carchar. Gofyn chwedl-
 au a wnaeth y forwyn i Peredur, ac ni
 ddywedodd ef un gair wrthi. A hithau a
 aeth i ofyn chwedlau i'w thad, a gofyn a
 wnaeth pwy a fuasai oreu o'i deulu. Yntau
 a ddywedai nas adwaenai ef.

"Gŵr oedd â mantell goch ar uchaf ei
 arfau, a tharian felen ar ei ysgwydd."

A gwenu a wnaeth hithau, a dyfod i'r lle
 yr oedd Peredur. A da fu ei barch y nos
 honno.

A thridiau yn olynol y lladdodd Peredur
 wŷr yr iarll. A deuai i'r carchar drachefn
 cyn y caffai neb wybod pwy oedd. A'r
 pedwerydd ddydd y lladdodd Peredur yr
 iarll ei hunan. A dyfod a wnaeth y forwyn
 i gyfarfod ei thad, a gofyn chwedlau iddo.

"Chwedlau da," ebe y brenin, "lladd yr
 iarll; a minnau biau y ddwy iarllaeth."

"A wyddost ti, arglwydd, pwy a'i lladd-
 odd ef?"

"Gwn," ebe y brenin, "marchog y fantell
 goch a'r darian felen a'i lladdodd."

"Arglwydd," ebe hi, "myfi a wn pwy yw
 hwnnw."

"Yn wir," ebe yntau, "pwy yw ef?"

"Arglwydd," ebe hi, "y marchog y sydd
 yng ngharchar gennyt yw hwnnw."

Yntau a ddaeth hyd lle yr oedd Peredur, a chyfarch gwell iddo a wnaeth. A dywed- yd wrtho y gwasanaeth a wnaeth, ac y talai iddo megys y mynnai ef ei hun. A phan aethpwyd i fwyta, dodwyd Peredur i eistedd ar y naill law i'r brenin, a'r forwyn yr ochr arall i Beredur.

“Mi a roddaf it,” ebe y brenin, “fy merch yn briod, a hanner fy mrenhiniaeth gyda hi. A dwy iarllaeth a roddaf i ti yn rhodd.”

“Arglwydd Dduw a dalo it,” ebe Peredur, “ni ddaethum i yma i wreica.”

“Beth a geisi dithau, unben?”

“Ceisio chwedlau yr wyf fi am Gaer y Rhyfeddodau.”

“Mwy yw meddwl yr unben nag ydym yn ei geisio?” ebe y forwyn. “Chwedlau am y Gaer a geffi. A hebryngydd i ti trwy gyfoeth fy nhad, a digonir di â *Fel y daeth* phopeth. A thydi, unben, yw y *Peredur i gŵr mwyaf a garaf fi.*” Ac yna *Gaer y* dywedodd,—

Rhyfeddod- “Dos dros y mynydd acw, a *au.* thi a weli llyn a chaer o fewn y llyn. A hwnnw a elwir Caer y Rhyfeddodau. Ac ni wyddom ni ddim o'i rhyfeddodau ef, eithr y gelwir ef felly.”

A dyfod a wnaeth Peredur tua'r Gaer. A phorth y gaer oedd yn agored. Ac fel y deuai i mewn gwydd-bwyll a welai yn y neuadd. A phob un o'r werin yn chwareu yn erbyn eu gilydd. A chollai yr ochr garai ef y chwareu, a'r llall a ddodai waedd yr un wedd a phe byddent wŷr. A'r hyn a wnaeth yntau oedd digio, a chymeryd y werin yn ei arffed, a thafu y bwrdd i'r llyn. A phan

ydoedd felly, wele y forwyn ddu yn dyfod i mewn, ac yn dywedyd wrth Peredur,—

“Ni fydd croeeaw Duw i ti. Mynychach y gwnai ddrwg na da.”

“Beth a ofynni di i mi, y forwyn ddu?” ebe Peredur.

“Di-golledu o honot yr ymherodres o'i bwrdd, ac ni fynnai hi hynny er ei hymherodraeth. A'r wedd y ceffi y bwrdd yn ol yw myned i Gaer Ysbidinongyl. Y mae yno ŵr du yn difetha llawer o gyfoeth yr ymherodres. A lladd hwnnw, a thi a geffi y bwrdd. Ac os ai di yno ni ddeui yn fyw drachefn.”

“A fyddi di arweinydd i mi yno?” ebe Peredur.
Fel y lladdwyd y gwr du. “Mi a fynegaf y ffordd i ti yno,” ebe hi.

Ac ef a ddaeth hyd yng Nghaer Ysbidinongyl. Ac a ymladdodd â'r gŵr du; a'r gŵr du a archodd nawdd Peredur.

“Mi a roddaf nawdd i ti,—par fod y bwrdd yn y lle yr oedd pan ddaethum i i'r neuad.”

Ac yna y daeth y forwyn ddu i mewn, ac a ddywedodd wrtho,—

“Melldith Duw i ti yn lle dy lafur, am adael y gormeswr yn fyw sydd yn diffeithio cyfoeth yr ymherodres.”

“Mi a addewais,” ebe Peredur, “ei fywyd iddo, os perai ddychwelyd y bwrdd.”

“Nid ydyw y bwrdd yn y lle cyntaf y cefaist ef. Dos drachefn a lladd ef.”

A myned a wnaeth Peredur a lladd y gŵr du.

A phan ddaeth i'r llys yr oedd y forwyn ddu yn y llys.

“Ha, forwyn,” ebe Peredur, “pa le mae yr ymherodres?”

“Yn wir, nis gweli di hi yn awr, oni fydd i ti ladd yr ormes sydd yn y fforest acw.”

“Pa ryw ormes yw honno?”

“Carw sydd yno, a chyn ebrwydd yw a’r aderyn cyntaf, ac un corn sydd yn ei dalcen, cyhyd a choes gwaew, a chyn flaen-llymed yw a’r dim blaen-llymaf. A thorri a wna

frig y coed goreu yn y fforest; a

Fel y lladd pob anifail ynddi a gyff-
lladdwyd yrddo âg ef; ac er na laddo
y carw. hwy, marw fyddant o newyn. A
gwaeth na hynny, dyfod a wna
beunydd ac yfed y pysgod-lyn yn ddiod,
gan adael y pysgod yn noeth; a meirw a
wna y rhan fwyaf o honynt cyn y del dwfr
iddo drachefn.”

“Ha, forwyn,” ebe Peredur, “a ddeui di i ddangos yr anifail hwnnw i mi?”

“Na ddeuaf,—ni feiddiodd dyn fyned i’r fforest er ys blwyddyn. Mae yna gi bach i’r ymherodres, a hwnnw a gyfyd y carw, ac a ddaw âg ef atat ti; a’r carw a’th gyrch di.”

Y ci bach a aeth yn arweinydd i Beredur, ac a gyfododd y carw, a daeth tua’r lle yr oedd Peredur ac ef. A’r carw a gyrchodd Peredur, ac yntau a adawodd iddo fyned heibio, gan daraw ei ben oddi arno â cleddyf. A phan ydoedd yn edrych ar ben y carw, ef a welai farchoges yn dyfod tuag ato, ac yn cymeryd y ci bach yn llawes ei chot, a’i ben rhyngddo a’r corff, a thorch o rudd-aur a oedd am ei wddf.

“Ha, unben,” ebe hi, “anfoesgar y gwnaethost,—lladd y tlws tecaf a oedd yn fy nghyfoeth.”

“Gofynnwyd i mi wneyd hyn. A oes yna wedd y gallwn i gael dy faddeuant di?”

“Oes; dos i fron y mynydd acw, ac yno ti a weli llwyn, ac ym mon y llwyn y mae llech; ac yno galw ar ŵr i ymladd deir-gwaith. Ti a geffi fy maddeuant.”

Peredur a gerddodd rhagddo, ac a ddaeth i ymyl y llwyn, ac a archodd ŵr i ymladd. A chyfododd gŵr du o dan y llech, a march ysgyrniog dano, ac arfau rhydlyd mawr am dano ac am ei farch. Ac ymladd a wnaethant. Ac fel y taflai Peredur y gŵr du i lawr, y neidiai yntau ar ei gyfrwy drachefn.

A disgyn a wnaeth Peredur, a *Fel y* thynnu cleddyf. Ac ar hynny *diflannodd* diflannu a wnaeth y gŵr du â *y gwr du.* march Peredur ganddo a'i farch ei hun, fel na welodd ef ail olwg arnynt. A cherdded a wnaeth Peredur ar hyd y mynydd. Ac yn y rhan arall o'r mynydd ef a welai gaer mewn dyffryn yr ai afon drwyddo. A thua'r gaer y daeth. Ac fel y deuai i'r gaer neuadd a welai, a drws y neuadd yn agored. Ac i mewn y daeth. Ac ef a welai ŵr llwyd cloff yn eistedd wrth dalcen y neuadd, a Gwalchmai yn eistedd ar y naill law. A'i farch a ddygsai y gŵr du a welai wrth yr un preseb a march Gwalchmai. A llawen a fuant wrth Peredur. A myned i eistedd a wnaeth yr ochr arall i'r gŵr llwyd. Ac ar hynny wele was melyn yn plygu ar ben ei lin ger bron Peredur.

“Arglwydd,” ebe y gwas, “mi a ddaethum yn rhith y forwyn ddu i lys Arthur. A phan fwriaist y bwrdd, a phan leddaist y gŵr du o Ysbidinongyl, a phan leddaist y carw, a phan fuost yn ymladd â'r gŵr o'r


llech. A mi a ddaethum a'r pen yn waedlyd ar y ddyscl, a'r waew yr oedd ffrwd waed yn rhedeg o'r pen hyd y dwrn,—ar hyd y coes. A'th gefnder oedd biau y pen. A Gwiddonod Caer Loyw a'i lladdasai. A hwy a gloffasant dy ewyrth. A'th gefnder wyf finnau. A'r syniad yw y bydd i ti ddial arnynt."

A chyngor fu gan Peredur a Gwalchmai i anfon at Arthur a'i deulu i erchi

Fel y arnynt ddyfod yn erbyn y Gwidd-
dinistrwyd onod. A dechreu ymladd â'r
y Gwidd- Gwiddonod a wnaethant. A lladd
onod. un o wŷr Arthur ger bron Peredur a wnaeth un o'r Gwiddonod.

A'u gwahardd a wnaeth Peredur. A'r eilwaith lladd gŵr a wnaeth y Widdon ger bron Peredur. A Pheredur a'i gwahardd eilwaith. A'r drydedd waith lladd gŵr a wnaeth y Widdon ger bron Peredur. A thynnu cleddyf a wnaeth Peredur, a tharo y Widdon ar uchaf ei helm, oni hyllt yr helm, a'r arfau oll, a'r pen yn ddau hanner. A doddi llef a wnaeth, ac erchi i'r swynwragedd eraill ffoi, a dywedyd mai Peredur oedd. Y gŵr a fuasai yn dysgu marchogaeth gyda hwynt. Ac yr oedd tynged mai ef a'u lladdai. Ac yna y lladdwyd Gwiddonod Caer Loyw oll. Ac felly y traethir am Gaer y Rhyfeddodau.

BREUDDWYD RHONABWY.



MADOG fab Meredydd a feddai Bowys yn ei derfynau, sef yw hynny, o Borfoed hyd yng Ngwanan yn eithaf Arwystli. Ac yn yr amser hwnnw brawd a oedd iddo,—sef oedd hwnnw Iorwerth fab Meredydd, ac nid oedd cystal gŵr a Madog. A Iorwerth a gymerth ofid mawr a thristwch wrth weled yr anrhydedd a'r meddiant oedd i'w frawd, ac yntau heb ddim.

Fel y A galwodd ato ei gyfeillion a'i
gwrthododd frodyr maeth, ac ymgynghorodd
Iorwerth â hwy beth a wnai. Sef a gaw-
gynnyg ei sant yn eu cyngor,—anfon rhai
frawd. o honynt i ofyn bywoliaeth iddo.
Cynhygiodd Madog iddo y
swydd o benteulu, a meirch, ac arfau, ac
anrhydedd cystal a'r eiddo ei hun.

A gwrthod hynny wnaeth Iorwerth. A myned ar grwydr hyd yn Lloegr, a lladd celanedd, a llosgi tai, a dal carcharorion wnaeth Iorwerth. A chynghor
Fel y a gymerodd Madog a gwŷr
rhoddwyd Powys gydag ef. Sef a gawsant
gwyr i ddal yn eu cyngor,—gosod can ŵr
Iorwerth. ymhob un o dri chwawd Powys
i'w geisio. Hyn a wnaethant
yn rhychdir Powys, yn Aber Ceiriog, ac yn
Alligdwn Fer, ac yn Rhyd Wilure ar y

Fyrnwy, y tri chwmwd goreu ym Mhowys. Fel nad da oedd iddo ef na'i deulu ym Mhowys, nac yn y rhandir hwnnw. Ac anfonasant y gwŷr hynny hyd yn rhychdir Nillystwn Trefan.

A gwŷr oedd yn y llu hwnnw a'i enw Rhonabwy. A daeth Rhonabwy a Chynwrig Frychgoch, gwŷr o Fawddwy. a Chadwgan Fras, gwŷr o Foelfre yng Nghynlleith, i dŷ Heilyn Goch fab Cadwgan fab Iddon. A phan ddaethant at y tŷ, gwelent hen neuadd burddu, dal, uniawn, a mwg lawer yn dod o honi. A phan ddaethant i fewn

Fel y gwelent lawr pylllog anwastad ddaethant bryniog, a braidd y safai dyn i dy Heilyn arno lyfned y llawr gan fiswael

Goch. gwartheg. Lle byddai bwl, elai dyn dros ei ffer i ddwfr a llaid y gwartheg. A gwrysg celyn oedd yn aml ar y llawr wedi bwyta o'r gwartheg eu brig.

A phan ddaethant i gyntedd y ty, gwelent barthau llychlyd llwm. A gwrach yn ymdwymno ar y naill barth, a phan ddelai anwyd arni, bwriai o'i harffedog us am ben y tân, fel nad hawdd oedd i un dyn yn y byd ddioddef y mwg hwnnw yn myned i mewn i'w ddwy ffroen. Ar y parth arall gwelent groen dyniawed melyn ar lawr, ac anrhydedd oedd i neb gael mynd ar y croen hwnnw. Ac wedi iddynt eistedd, gofyn a wnaethant i'r wrach pa le yr oedd dynion y tŷ, ac ni ddywedai y wrach wrthynt ond tafodi. Ac ar hynny wele y dynion yn dyfod. Gwŷr coch, gwarfoel, afrosgo, a baich o wrysg ar ei gefn, a gwraig feinlas fechan, a cheseliaid o frwyn ganddi hithau. Sych groesawu y dynion a wnaethant, a chynneu

tân gwrysg iddynt. A myned i bobî a wnaeth y wraig, a dwyn y bwyd
Fel y iddynt,—bara haidd a chaws, a
pobodd y glasdwr llefrith. Ac ar hynny
wraig wele ruthr o wynt a gwlaw fel
feinlas. nad hawdd i neb fynd allan. A
 chan mor anesmwyth oedd eu

taith, blino a wnaethant, a myned i gysgu. A phan edrychwyd y gwely, nid oedd arno ond byrwellt dystlyd, chweinllyd, a bonau gwrysg yn aml trwyddo, a'r gwartheg wedi bwyta y gwellt oedd uwch eu pennau ac îs eu traed. Taenwyd hulyn lwydgoch, galed, lom, dyllog ar y fainc, a llenllian fras, dyllog, rwygedig ar yr hulyn, a gobennydd lledwag a gorchudd go fudr iddo ar ben y llenllian. Ac i gysgu yr aethant, a chwsg a ddisgynmodd ar ddau gydymaith Rhonabwy yn drwm. A Rhonabwy, gan nas gallai na

Fel y fod yn llai poen iddo fynd ar
breuddwyd- groen y dyniawed melyn ar y
iodd llawr i gysgu. Ac yno y cysg-
Rhonabwy odd. Ac mor fuan ac y d eth
ar groen y hûn i'w lygaid, breuddwydiodd
dyniawed ei fod ef a'i gydymdeithion yn
melyn. cerdded ar draws maes ^{ni cas} Argyn-
 groeg, ac oddi yno, debygai, tua

Rhyd y Groes ar Hafren. Ac fel yr oedd yn cerdded, clywai dwrf, a thebyg y twrf hwnnw ni chlywsai erioed. Ac edrych a wnaeth drach ei gefn, a gwelai wr ieuanc pengrych melyn, a'i farf newydd eillio, ar farch melyn, ond fod ei ddwy goes dan ei ddeulin yn las. A gwisg o bali melyn am y marchog wedi ei gwnio âg edafedd glas, a chleddyf eurdwrw ar ei glun, a gwain o ledr

newydd iddo, a charrai o ledr ewig a chlasp arni o aur. Ac ar hynny yr oedd llen o bali melyn wedi ei wnio â sidan glas, a'i odreu hefyd yn las. A'r hyn oedd las o wisg y marchog a'i farch oedd cyn lased a dail y ffynidwydd, a'r hyn oedd felyn o honi oedd cyn felyned a blodau y banadl.

Fel y A chan mor ofnadwy oedd golwg
goddiwedd- y marchog, ofni a wnaethant, a
odd y gwr dechreu ffoi. A'u hymlid a
melyn hwy. wnaeth y marchog. A phan
yrrai ei farch ei anadl oddi
wrtho y pellhai y gwŷr oddi wrtho, a phan
y cymerai ei anadl neshai y gwŷr ato,—hyd
ym mron y march. A phan y goddiwedd-
odd hwy, gofyn ei nawdd a wnaethant.

“Chwi a'i cewch yn llawen, ac nac ofnwch.”

“Ha, unben, gan it roddi nawdd i ni, a ddywedi i mi pwy wyt,” ebe Rhonabwy.

“Ni chelaf oddi wrthyt fy hanes. Iddog fab Mynyo wyf, ac nid ar fy enw ym gelwir fwyaf, ond ar fy llysenw.”

“A ddywedi di i mi beth yw dy llysenw.”

“Dywedaf. Iddog Cordd Prydain ym gelwir.”

“Ha, unben,” ebe Rhonabwy, “paham y gelwir di felly?”

“Mi a ddywedaf it. Un oedd-

Fel y wn o'r cenhadau yng nghad
llysenwyd Camlan rhwng Arthur a Medrawd
lddog. ei nai. A gŵr ieuanc drwg oedd-
wn i yno, ac mor hoff oeddwn o
frwydr fel y perais derfysg rhyngddynt.
Pan yrrid fi oddi wrth yr ymherawdwr
Arthur i fynegi i Fedrawd ei fod yn dad-
maeth ac yn ewyrth iddo, ac i ofyn tang-

nefedd rhag lladd meibion brenhinoedd Ynys Prydain, a phan ddywedai Arthur yr ymadrodd tecaf allai wrthyf, dywedwn innau yr ymadrodd hwnnw hagraf allwn wrth Fedrawd, ac am hynny y gelwid fi Iddog Cordd Prydain, ac am hyn yr ymladdwyd cad Camlan. A theirnos cyn gorffen cad Camlan y gadewais hwy, ac y daethum hyd yn Llech Las ym Mhrydain i ddwyn fy mhennyd. Ac yno y bum yn penydio saith mlynedd, a thrugaredd a gefais.”

Ar hynny, wele, clywent dwrf oedd fwy o lawer na'r twrf gynt. A phan edrychasant tua'r twrf, wele was melyngoch heb farf ac heb gernflew, o arddull bonheddig, ar farch mawr, ac o ben y ddwy ysgwydd ac o'i ddeulin i waered melyn oedd y march. A gwisg oedd am y gŵr o bali coch wedi ei gwnio â sidan melyn, a godreu y llen yn felyn. A'r hyn oedd felyn o'i wisg ef ac o'i farch cyn felyned oedd a blodau y banadl ; a'r hyn oedd goch o honynt oedd

Fel y go- cyn goched a'r gwaed cochaf yn
ddiwedd- y byd. Ac yna, wele, y marchog
odd y gwas yn eu goddiweddu, ac yn gofyn
melyngoch i Iddog a gafai ran o'r dynion
hwy. bychain hynny ganddo.

“Y rhan a weddai i mi ei roddi, mi a'i rhoddaf ; bydd yn gydymaith iddynt fel y bum innau.”

A hynny a wnaeth y marchog, a myned ymaith.

“Iddog,” ebe Rhonabwy, “pwy oedd y marchog hwn?”

“Rhuawn Bebyr, fab Deorthach Wledig.”

Ac yna y cerddasant ar draws maes mawr A rgyngroeg hyd yn Rhyd y Groes ar Hafren.

A milltir oddi wrth y Rhyd, o bob tu i'r ffordd, y gwelent luestai a phebyll,

Fel y yll, ac yr oedd yno dwrf llu mawr. *daethant i* Ac i lan y Rhyd y daethant. Sef *Ryd y Groes.* a welent,—Arthur yn eistedd mewn ynys wastad is y Rhyd, ac ar y naill du iddo Bedwin Esgob, ac ar y tu arall Gwarthegydd fab Caw, a gwas gwineu mawr yn sefyll ger eu bron, a'i gleddau trwy ei wain yn ei law, a gwisg a chapan o bali purddu am dano. A'i wyneb cyn wynned ag asgwrn eliffant, a chan ddued ei aelau a'r muchudd, a'r hyn welai dyn o'i arddwrn rhwng ei fenyg a'i lewis gwynnach oedd na'r lili, a mwy oedd na ffer milwr. Ac yna y daeth Iddog, a hwythau gydag ef, ger bron Arthur, a chyfarch gwell iddo.

“Duw a roddo dda it,” ebe Arthur. “Pale, Iddog, y cefais di y dynion bychain hyn?”

“Mi a'u cefais, arglwydd, *Fel y* uchod ar y ffordd.” *glaswenodd* Sef a wnaeth yr ymherawdwr *Arthur.* oedd lledwenu.

“Arglwydd,” ebe Iddog, “am beth y chwerddi di?”

“Iddog,” ebe Arthur, “nid chwerthin a wnaeth, ond gofidio fod dynion mor wael a hyn yn gwylio yr ynys hon yn lle y gwyr da a'i gwyliai gynt.”

Ac yna y dywedodd Iddog,—

“Rhonabwy, a weli di y fodrwy a'r maen arni ar law yr Ymherawdwr.”

“Gwelaf,” ebe ef.

“Un o rinweddau y maen yw y cofi a welaist heno, a phan na welet y maen ni chofiet ddim o hono.”

Ac wedi hynny y gwelai fyddin yn dyfod tua'r Rhyd.

“Iddog,” ebe Rhonabwy, “pwy biau y fyddin acw?”

“Cydymdeithion Rhuawn Pebyr, fab Deorthach Wledig, ydynt. A'r *Fel y* gwŷr acw a gant fwyd a diod yn *gwnaeth y* anrhydeddus, a chânt gyfeillfyddin goch. achu â merched brenhinoedd ynys Prydain yn ddiwarafun. A haeddant hyn, canys ymhob perygl byddant yn ei flaen ac yn ei ol.”

Ac ni welai liw amgen ar farch nac ar ŵr o'r fyddin honno, ond eu bod cyn goched a'r gwaed. Ac os gwahanai un o'r marchogion oddi wrth y fyddin honno, tebyg fyddai i golofn dân yn cychwyn i'r awyr. Pabellodd y fyddin honno uwch y Rhyd.

Ac ar hynny gwelent fyddin arall yn dyfod tua'r Rhyd. Ac o fronnau y meirch i fyny oedd cyn wynnied a'r lili, ac o hynny i waered cyn ddued a'r muchudd. A gwelent farchog yn eu rhagflaenu, ac yn spardynu ei farch i'r Rhyd nes y lluchiodd y dwfr am ben Arthur a'r esgob, a'r rhai oedd yn y cyngor gyda hwy, nes oeddynt cyn wlyped a phe tynnid hwy o'r afon. Ac fel yr oedd yn trosi pen ei farch, tarawodd y gwas oedd yn sefyll gerbron Arthur y march ar ei ddwyfron â'r cleddyf yn ei wain; a phe y tarawai â'r dur noeth, ni fai ryfedd pe torasid yr asgwrn yn ogystal a'r cig. A thynnu ei gleddyf hyd hanner y wain a wnaeth y marchog, a gofyn iddo,—

“Paham y tarewaist di fy march i? ai er amarch i mi, ynte er cyngor?”

“Rhaid oedd i ti wrth gyngor. Pa yn-

fydrwydd wnai i ti farchogaeth mor gyflym, a lluchio dwfr o'r Rhyd am ben Arthur a'r esgob cysegredig a'u cynghorwyr, nes oedd-ynt cyn wlypet a phe tynnid hwy o'r afon?"

"Minnau a'u cymeraf yn lle cyngor," ebai, a throdd ben ei farch tua ei fyddin.

"Iddog," ebe Rhonabwy, "pwy oedd y marchog gynneu?"

"Y gŵr ieuanc ffraethaf a doethaf yn y deyrnas hon,—Adaon fab Taliesin."

"Pwy oedd y gŵr a darawodd ei farch?"

"Llanc traws-fonheddig,—Elphin fab Gwyddno."

Ac yna y dywedodd y gŵr balch bonheddig, ac ymadrodd llithrig eon ganddo, fod yn rhyfedd i lu gymaint a hwnnw gynnull mewn lle mor gyfyng a hwn, a'i fod yn rhyfeddach ganddo ei fod yno yr awr honno, ac wedi addaw bod hanner dydd ym mrwydr Baddon yn ymladd âg Osa Gyllellfawr,—

"A dewis di a gerddi ai ni cherddi, myfi a gerddaf."

"Gwir a ddywedi," ebe Arthur, "a cherddwn ninnau i gyd."

"Iddog," ebe Rhonabwy, "pwy yw y gŵr a ddywedai mor hyf wrth Arthur ag y dywedai'r gŵr gwineu?"

"Gŵr a all ddywedyd cyn eofned ag y mynna wrtho,—Caradog Feichfras fab Llyr, ei gynghorwr a'i gefnder."

Yna cymerodd Iddog Rhonabwy wrth ei ysgil, a chychwynnodd y llu mawr hwnnw, pob byddin yn ei threfn, tua Chefn Digoll. Ac wedi eu dyfod hyd yng nghanol y Rhyd ar yr Hafren, troi a wnaeth Iddog ben ei farch drach ei gefn, ac edrych a wnaeth Rhonabwy ar Ddyffryn Hafren, a gwelai

ddwy fyddin hardd yn dyfod tua'r Rhyd ar yr Hafren. A byddin eglurwen

Fel y yn dyfod, a llen o bali gwyn am
teithiai bob un o honynt, a godreu bob
byddin un yn bur ddu. A phen deulin,
bur-wen. a phennau dwy goes y meirch yn burddu, a'r meirch yn wynion oll ond hynny. A'u banerau yn burwyn, a blaen pob un o honynt yn burddu.

“Iddog,” ebe Rhonabwy, “pwy yw y fyddin burwen acw?”

“Gwŷr Llychlyn ydynt, a March fab Meirchion yn dywysog arnynt. Cefnder i Arthur yw hwnnw.”

Ac yna y gwelai fyddin a gwisg burddu am bob un o honynt, a godreu pob llen yn burwyn. Ac o ben eu dwygoes a phen eu deulin i'r meirch yn burwyn, a'u banerau yn burddu, a blaen pob un o honynt yn burwyn.

“Iddog,” ebe Rhonabwy, “pwy yw y fyddin burddu acw?”

* “Gwŷr Denmarc, ac Edeyrn
Fel y fab Nudd yn dywysog arnynt.”
teithiai A phan oddiweddasant y llu,
byddin wele, disgynasai Arthur a'i lu y
burddu. cedyrn islaw Caer Fadon; ac wedi disgyn, clywai dwrf mawr a therfysg yn y llu,—a'r gŵr a fai ar ymyl y llu yn awr a elai i'r canol, a'r gŵr fai yn y canol a ddeuai i'r ymyl. Ac ar hynny, wele farchog yn dyfod a gwisg o ddu am dano ef ac am ei farch. Cyn wynnodd y modrwyau a'r lili wennaf, a chyn goched oedd yr hoelion a'r gwaed cochaf. A hwnnw yn marchogaeth ymhlith y llu.

“Iddog,” ebe Rhonabwy, “ai ffoi wna y llu rhagddo?”

“Ni ffodd yr Ymherawdwr Arthur erioed, a phe clywid di yn siarad felly, gŵr trist fyddet. Ond y marchog a weli acw, Cai yw hwnnw. Tecaf dyn a farchoga yn llys

Fel y Arthur yw Cai. A'r gŵr ar ymyl y llu sydd yn brysio yn ol i *marchogai* edrych ar Cai yn marchogaeth, *Cai.* a'r gŵr yn y canol sydd yn ffoi i'r ymyl rhag ei frifo gan y march. A hynny yw ystyr y cynnwrf yn y llu.”


Ar hynny clywent alw ar Gadwr, Iarll Cernyw. Wele yntau yn dyfod a chleddyf Arthur yn ei law. A llun dwy sarff ar y cleddyf o aur, a phan dynnid y cleddyf o'i wain, fel dwy fflam o dân a welid o eneuau y seirff, ac mor ddychrynlyd oedd fel nid hawdd fai i neb edrych arno. Ar hynny wele y llu yn arafu, a'r cynnwrf yn peidio. Ac aeth yr iarll i'w babell.


“Iddog,” ebe Rhonabwy, “pwy oedd y gŵr ddygai gleddyf Arthur?”

“Cadwr, Iarll Cernyw, y gŵr raid wigo ei arfau am y brenin yn nydd cad ac ymladd.”

Ac ar hynny clywent alw ar Eirynwych Amheibyn, gwas Arthur. Gŵr garwgoch anhygar, a barf goch o flew sythion iddo. Wele yntau yn dyfod ar farch coch mawr, a'i fwng wedi ei rannu o bob tu i'w wddf, a swmer mawr tlws ganddo. A disgyn a

Fel y wnaeth y gwas coch mawr ger bron Arthur, a thynnu cadair aur *taenwyd* o'r swmer a llen o bali caerog. *llen Arthur.* A thaenu y llen a wnaeth ger bron Arthur, ac afal rhuddaur oedd wrth bob congl iddi, a gosododd y





ARTHUR AC OWEN YN CHWARE GWYDDBWYLL.

t.d. 71.

gadair ar y llen. A chymaint oedd y gadair ag y gallai tri milwr arfog eistedd ynddi. Gwen oedd enw y llen. Ac un o rinweddau y llen oedd,—na welai neb y dyn eisteddai arni, ond efe a welai bawb, ac ni arhosai arni byth liw ond ei lliw ei hun. Ac eistedd a wnaeth Arthur ar y llen, ac Owen fab Urien yn sefyll ger ei fron.

“Owen,” ebe Arthur, “a chwareui di wyddbwyll?”

“Chwareuaf, arglwydd,” ebe Owen.

Daeth y gwas coch â'r wyddbwyll i Arthur ac Owen,—gwerin aur a chlawr arian. A dechreu chware a wnaethant. A phan yr oeddynt felly yn ddifyrraf ganddynt eu chwareu uwch y gwyddbwyll, wele, gwelent babell wen, bengoch, a delw sarff burddu ar ben y babell, a llygaid rhuddgoch gwenwynig ymhen y sarff, a'i thafod yn fflam goch. A gwelent lanc ieuanc pengrych melyn, llygadlas, a'i farf yn dechreu tyfu, yn dyfod at lle yr oedd Arthur ac Owen yn ehwareu gwyddbwyll. A gwisg a swrcot o bali melyn am dano, a dwy hosan o frethyn gwyrddfelyn teneu am ei draed, ac ar yr hosanau ddwy esgid o ledr brith, a byclau o aur yn eu cau. A chleddyf eurdrwm, trwm, tri miniog, a gwain o ledr du iddo, a swch o ruddaur coeth ar ben y wain. A chyfarch gwell a wnaeth y llanc i Owen. A rhyfeddu a wnaeth Owen am i'r llanc gyfarch gwell iddo ef, ac na chyfarchodd yr Ymherawdwr Arthur. A gwybod wnaeth Arthur am beth y meddyliai Owen.

“Na fydd ryfedd gennyf i'r llanc gyfarch gwell i ti yr awr hon. Efe a gyfarchodd well i minnau gynneu. Ac atat ti y mae ei neges ”

Ac yna y dywedodd y llanc wrth Owen,—

“ Arglwydd, ai wrth dy gennad di y mae gweision bychain yr ymherawdwr

Fel y a'i lanciau yn aflonyddu, a dych-
blinodd y rynnu, a blino dy frain?” Os
llanciau nad wrth dy gennad, par i'r
y brain. ymherawdwr eu gwahardd.”

“ Arglwydd,” ebe Owen, “ ti a glywi a ddywed y llanc. Os da gennyt, gwahardd hwynt oddiwrth fy mrain.”

“ Chware dy chware,” ebe ef.

Ac yna y dychwelodd y llanc tua'i babell. Terfynu y chware hwnnw a wnaethant, a dechreu un arall; a phan oeddynt yn haner y chware, dyna was ieuanc coch, pengrych, gwineu, llygadog, lluniaidd, wedi eillio ei farf, yn dyfod o babell burfelen a delw llew purgoch ar ben y babell. A gwisg o bali melyn am dano gyrhaeddai at ei esgeiriau, wedi ei gwnio âg edafedd o sidan coch, a dwy hosan am ei draed o fwranc gwyn teneu, ac ar yr hosanau yr oedd dwy esgid o ledr du am ei draed, a byclau aur arnynt; a chleddyf mawr, du, trwm, triminiog yn ei law, a gwain o groen carw coch iddo, a swch aur ar y wain. A daeth tua'r lle yr oedd Arthur ac Owen yn chware gwyddbwyll. Cyfarchodd well i Owen. A drwg oedd gan Owen iddo gyfarch gwell iddo, ond nid oedd Arthur yn malio dim mwy na chynt. Y llanc a ddywedodd wrth Owen,—

“ Ai o'th anfodd di y mae lanciau yr ymherawdwr yn niweidio dy frain, ac yn lladd eraill, ac yn blino eraill? Os o'th anfodd y gwnant, atolwg arno eu gwahardd.”

“Arglwydd, gwahardd dy wŷr, os da gennyt.”

“Chware dy chware,” ebe’r ymherawdwr.

Ac yna y dychwelodd y llanc tua’i babell. Y chware hwnnw a derfynwyd, a dechreuwyd un arall. Ac fel yr oeddynt yn dechreu y symud cyntaf ar y chware, gwelent ychydig oddi wrthynt babell frech-felen, y fwyaf a welodd neb erioed. A delw o eryr aur arni, a maen gwerthfawr ymhen yr eryr. Ac yn dyfod o’r babell gwelent lanc a gwallt pybyr-felyn ar ei ben. Teg a lluniaidd oedd o gorff. A llen o bali glas oedd am dano, a gwaell aur cymaint a bys mwyaf milwr yn y llen ar ei ysgwydd ddeheu, a dwy hosan am ei draed o ddefnydd teneu, a dwy esgid o ledr brith a byclau aur arnynt. Yr oedd y gwas yn fonheddigaid ei bryd, gwyneb gwyn gruddgoch iddo, a llygaid mawr fel llygaid hebog. Ac yn llaw y llanc yr oedd gwaewffon braff fraith-felen, a’i blaen newydd ei hogi, ac ar y waewffon yr oedd baner amlwg. Daeth y llanc yn llidiog angerddol, gan gerdded yn gyflym at y lle yr oedd Arthur ac Owen yn chware gwyddbwyll. A deallasant ei fod yn llidiog. A chyfarch gwell wnaeth i Owen, a dywedyd wrtho fod ei frain, y rhai mwyaf

Fel y arbennig o honynt, wedi eu lladd,
lladdodd y ac fod y rhai na laddwyd o hon-
gwyr y ynt wedi eu niweidio a’u brifo
brain. gymaint fel na ddichon yr un o
 honynt ehedeg ddwylath oddi
 wrth y ddaear.

“Arglwydd,” ebe Owen, “gwahardd dy wŷr.”

“Chware, os mynni,” ebe Arthur.

Yna y dywedodd Owen wrth y llanc, —

“Dos rhagot i'r lle y gwelych y frwydr galetaf. Cyfod y faner i fyny; ac a fynno Duw, bydded.”

Ac yna y cerddodd y llanc rhagddo hyd y lle yr oedd y frwydr galetaf ar y brain, a dyrchafodd y faner. Ac fel y dyrchafid y faner cyfodai y brain i'r awyr yn lliidiog angerddol, ac yn falch o gael gwynt dan eu hadenydd, ac o fwrw eu lludded oddi arnynt. Ac wedi adennill eu nerth a chael buddugoliaeth, disgynasant gyda'u gilydd yn lliidiog a llawn yni i'r llawr ar ben y gwŷr wnaethai lid a gofid a cholled iddynt cyn hynny. Pennau rhai a ddygent, llygaid

eraill, a chlustiau eraill, a breichiau eraill, gan eu cario i'r awyr. *Fel y* A chynnwrf mawr fu yn yr awyr
blinodd y gan drwst esgyll a chlegar y brain
brain llawen; a chynnwrf mawr arall
y gwyr. gan ruddfannau y gwŷr yn cael eu brathu a'u hanafu, ac eraill yn cael eu lladd.

A rhyfedd fu gan Arthur a chan Owen uwch ben y gwyddbwyll glywed y cynnwrf. A phan edrychasant, gwelent farchog ar farch erchlas yn dyfod atynt. Lliw rhyfedd oedd ar y march,— ei gorff yn erchlas, ei ysgwydd ddeheu yn burgoch, ac o bennau ei goesau i ewinedd ei garn yn burfelyn. Yr oedd y marchog a'i farch yn gywair o arfau trymion, estronol. Hulyn y march o'r agorfa flaen i fyny yn sidan purgoch, ac o'r agorfa i waered yn sidan purfelyn. Cleddyf eurddurn mawr, un min, oedd ar glun y gwas, a gwain newydd bur-las iddo, a swch ar y wain o bres yr Hispaen.

Gwregys y cleddyf oedd o ledr glas-ddu, ac ochrau goreuraidd iddo, a gwaell o asgwrn eliffant arno, a chlasp purddu ar y waell. Helm euraidd oedd ar ben y marchog, a meini mawr, gwerthfawr a gwyrthiol, ynddi. Ac ar ben yr helm yr oedd delw llewpard melynrudd, a dwy faen ruddgochion yn y pen, fel mai dychrynlyd oedd i filwr, er caderned fai ei galon, edrych yng ngwyneb y llewpard, chwaithach yng ngwyneb y marchog. Picell goeslas, hirdrwm, oedd yn ei law, ac o'i dwrn i fyny yn rhuddgoch gan waed y brain a'u plyf.

Dyfod a wnaeth y marchog tuag at lle yr oedd Arthur ac Owen uwch ben y gwyddbwyll, a deall wnaethant ei fod yn lluddedig, lliidiog, a blin yn dyfod atynt. Cyfarch gwell a wnaeth y gwas i Arthur, a dywedyd fod brain Owen yn lladd ei weision bychain a'i lanciau. Ac edrych a wnaeth Arthur ar Owen, a dywedyd,—

“Gwahardd dy frain.”

“Arglwydd,” ebe Owen, “chware dy chware.”

A chware a wnaethant, a dychwelyd a wnaeth y gwas drachefn tua'r frwydr. Ac ni waharddwyd y brain mwy na chynt.

A phan yr oeddynt wedi chware dalm o amser, clywent gynnwrf mawr, wylofain gwŷr, a chlegar brain yn dwyn y gwŷr yn eu nerth i'r awyr, ac yn eu hysglyfaethu rhyngddynt, ac yn eu gollwng yn ddrylliau i'r llawr. Ac oddi wrth y cynnwrf gwelent farchog yn dyfod ar farch canwelw, a choes flaen aswy y march yn burddu hyd ganol y carn. Yr oedd y marchog a'i farch yn gywair o arfau trymion a gleision. Hulyn

o bali caerog melyn oedd am dano, a god-reuon yr hulyn yn las. Hulyn ei farch yn burddu, a'i odreuon yn burfelyn. Ar glun y gwas yr oedd cleddyf hirdrwm, tri miniog, a'i waen o ledr coch disglaer, a gwregys newydd o groen carw coch ag ymylon aur aml iddo, a gwaell o asgwrn morfil iddo, a chlasp purddu arno. Helm euraidd oedd am ben y marchog, a meini saffir rhinweddol ynddi. Ac ar ben yr helm yr oedd delw llew melyngoch, a'i dafod droedfeddi allan o'i ben, a llygaid rhuddgochion gwenwynig yn ei ben. Daeth y gwas a gwaew onnen fawr yn ei law, a gwaed newydd ei rodidi ar ei phen, orchuddid âg arian, a chyfarch gwell a wnaeth i'r ymherawdwr.

“Arglwydd,” ebe ef, “a'i didaro gennyt ladd dy weision a lladdodd llanciau bychain, a meibion gwŷr y brain y da Ynys Prydain, fel na bydd gwyr. hawdd cynnal yr ynys hon byth o heddyw allan?”

“Owen,” ebe Arthur, “gwahardd dy frain.”

“Chware, arglwydd,” ebe Owen, “y chware hwn.”

Darfod wnaeth y chware hwnnw, a dechreu un arall a wnaethant. A phan oeddynt ar ddiwedd y chware hwnnw, wele, clywsent gynnwrf mawr,—dolefain gwŷr arfog a chlegar brain a swm eu hadenydd yn yr awyr. A gollyngai'r brain yr arfau yn gyfain i'r llawr, yna y gwŷr a'r meirch yn ddrylliau. Ac yna gwelent farchog ar farch o liw du a gwyn. Yr oedd pen y goes aswy i'r march yn burgoch, a'i goes ddeheu o'i fynwes hyd y carn yn burwyn. Yr oedd y

marchog a'i farch yn arfog o arfau brith-felynion wedi eu britho â phres yr Hispaen. A hilyn am dano ef ac am ei farch dau hanner gwyn a phurddu, a godreun yr hilyn oedd o borffor euraidd. Ac ar yr hilyn yr oedd cleddyf eurddwrn gloew, tri miniog. Gwregys y cleddyf oedd o eurlliw melyn, a gwaell arno o amrant mor-farch purddu, a chlasp o aur melyn ar y waell. Helm loew oedd am ben y marchog o bres melyn, a meini grisial gloew ynnddi, ac ar ben yr helm yr oedd llun aderyn y grifft, a maen rhinweddol yn ei ben. Picell onnen goesgron oedd yn ei law, wedi ei lliwio âg asur glas, a gwaed newydd ei roddi ar ei choes orchuddid a gwaith arian cywrain.

Dyfod a wnaeth y marchog yn
Fel y bu llidiog hyd y lle yr oedd Arthur,
tangnef. a dywedyd darfod i'r brain ladd
 ei deulu a meibion gwŷr da yr
 ynys hon, gan erchi iddo beri i Owen
 wahardd ei frain. Yna yr archodd Arthur i
 Owen wahardd ei frain.

Ac yna y gwasgodd Arthur y werin aur oedd ar y clawr nes oeddynt oll yn llwch. Ac archodd Owen Wres fab Rheged ostwug ei faner. Ac yna y gostyngwyd hi, a thangnefeddwyd pob peth.

Yna y gofynnodd Rhonabwy i Iddog pwy oedd y tri gŵr cyntaf ddaeth at Owen i ddywedyd wrtho eu bod yn lladd ei frain. Ac yna y dywedodd Iddog,—

“Gwŷr oedd ddrwg ganddynt ddyfod colled i Owen, ei gydbenaethiaid a'i gyfeillion,—Selyf fab Cynan Garwyn o Bowys, a Gwgawn Gledlyfrudd, a Gwres fab Rheged, y gŵr garia'r faner yn nydd cad ac ymladd.”

“Pwy,” ebe Rhonabwy, “oedd y tri gŵr diweddaf ddaeth at Arthur i ddweyd iddo fod y brain yn lladd ei wŷr?”

“Y gwŷr goreu,” ebe Iddog, “a dewraf, a garwaf ganddynt golledu Arthur o ddim, Blathaon fab Mwrheth, a Rhuawn Pebyr fab Deorthach Wledig, a Hyfeidd Unllen.”

Ac ar hynny, wele bedwar marchog ar hugain yn dyfod oddi wrth Ossa Gyllellfawr, i ofyn heddwch i Arthur am bythefnos a mis. A'r hyn a wnaeth Arthur oedd

| | |
|--|---|
| <i>Fel y galwodd Arthur ei gyngor.</i> | cyfodi a myned i gymeryd cyngor, a ddaeth tua'r lle yr oedd gŵr pengrych gwineu mawr ychydig oddi wrtho. Ac yno dygwyd ei gynghorwyr ato,— Bedwin Es-gob, a Gwartheygd fab Caw, |
|--|---|

March fab Meirchawn, a Charadog Freichfras, a Gwalchmai fab Gwyar, ac Edyrn fab Nudd, a Rhuawn Pebyr fab Deorthach Wledig, a Rhiogan fab brenin Iwerddon, a Gwen Wynwyn fab Naf, Howel fab Emyr Llydaw, Gwilym fab Rhwyf Ffrainc, a Daned fab Oth, a Goreu Custennin, a Mabon fab Modron, a Pheredur Baladyr Hir, a Hyfeidd Unllen, a Thwrch fab Perif, a Nerth fab Cadarn, a Gobrwy fab Ethel Forddwyd Twll, a Gweir fab Gwestel, ac Adwy fab Gwereint, a Thrystan fab Tallwch, Morien Manawg, Grauwen fab Llyr, a Llachen fab Arthur, a Llawfrodedd Farfog, a Chadwr Iarll Cernyw, Morfran fab Tegid, a Rhyawd fab Morgant, a Dyfyr fab Alun Dyfed, Gwrhwr Gwalstawd Ieithoedd, Adaon fab Taliesin, Llary fab Casnar Wledig, a Fflewddur Fflam, a Greiddawl Galldofydd, Gilbert fab Cadgyffro, Menw fab Teir-

gwaedd, Gwrthmwl Wledig, Cawrdaf fab Caradawg Feichfras, Gildas fab Caw, Cadyriaith fab Saidi, a llawer o wŷr Norway a Denmarc, a llawer o wŷr Groeg gyda hwy, a digon o lu a ddaeth i'r cyngor hwnnw.

“Iddog,” ebe Rhonabwy, “pwy oedd y gwas gwineu a ddaeth ato gynneu?”

“Rhun fab Maelgwn Gwynedd, gŵr ag y mae yn fraint i bawb ymgyngori âg ef.”

“Am ba achos y daeth gŵr cyn ieuenged a Chadyrieith fab Saidi i gyngor gwŷr cyfurdd a'r rhai acw?”

“Wrth nad oedd ym Mhrydain ŵr doethach ei gyngor nag ef.”

Ac ar hynny, wele feirdd yn dod i ddatgan cerdd i Arthur, ac nid oedd dyn a adnabai y gerdd honno ond Cadyrieith ei hun, ond ei bod yn gerdd o foliant i Arthur.

Ac ar hynny, wele bedair asen

Fel y ar hugain ddygai bynnau o aur ac
talwyd arian yn dyfod, a gŵr lluddedig
teyrnged i a blin gyda phob un o honynt yn
Arthur. dwyn teyrnged i Arthur o Ynys-
oedd Groeg. Yna yr archodd

Cadyrieith fab Saidi wneyd heddwch âg Ossa Gyllellfawr hyd ymhen pythefnos a mis, a rhoddi yr asynod a'r hyn oedd arnynt yn deyrnged i'r beirdd yn lle gwobr ymaros, ac ar derfyn yr heddwch talu iddynt am eu canu. Ac ar hynny y cytunwyd.

“Rhonabwy,” ebe Iddog, “onid cam fai gwarafun gwas ieuanc a roddai gyngor cyn ddoethed a hwn, fynd i gyngor ei arglwydd?”

Ac yna y cyfododd Cai, ac y dywedodd,—


“Pwy bynnag a fynno ganlyn Arthur, bydded heno yng Nghernyw gydag ef. A'r

hyn ni fynno, bydded yn erbyn Arthur hyd ddiwedd yr heddwch.”

A chan faint y cynnwrf hwnnw
Fel y deffro a wnaeth Rhonabwy. A
deffrodd phan ddeffrodd yr oedd ar groen
Rhonabwy. y dyniawed melyn, wedi cysgu o
 hono dair nos a thri dydd.

A'r ystori hon a elwir “Breuddwyd Rhonabwy.” A llyma y rheswm na wŷr neb ei freuddwyd, na bardd na dewin, heb lyfr,—o achos cynifer lliw a oedd ar y meirch, a hynny o amryw liw odidog ar yr arfau, ac ar y gwisgoedd, ac ar y llenni gwerthfawr a'r meini rhinweddol.

LLUDD A LLEFELYS.



I 'R Beli Mawr fab Manogan y bu tri mab,
—Lludd a Chaswallon, a Nynyaw; ac
yn ol traddodiad, pedwerydd mab oedd
iddo,—un Llefelys. Ac wedi marw Beli, a
syrthio teyrnas Ynys Prydain i law Lludd,
ei fab, yr hynaf, a llywio ei golud

Fel yr hi yn llwyddiannus, adnewydd-
adnewydd- odd Lludd furiau Llundain, ac
odd Lludd a'i hamgylchodd â thyllau dirif-
furiau edi. Ac wedi hynny, gorchym-
Llundain. ynnodd i'r dinaswyr adeiladu tai
ynddi, fel na bai yn y teyrnas-
oedd dai cyfurdd ag a fai ynddi hi. Ac
ynghyd â hynny, ymladdwr da oedd, a hael
a helaeth y rhoddai fwyd a diod i'r neb a'u
ceisiai. Ac er fod llawer o gaerau a dinas-
oedd iddo, hon a garai yn fwy na'r un; ac
yn honno y preswyliai y rhan fwyaf o'r
flwyddyn. Ac wrth hynny y gelwid hi
Caerludd, ac o'r diwedd Caer Llundain. Ac
wedi dyfod estron genedl iddi y gelwid hi
Llundain, neu ynte Lwndrys.

Mwyaf ~~er~~ frodyr y carai Lludd Llefelys,
canys gŵr call a doeth oedd. Ac wedi
clywed marw brenin Ffrainc heb adael
etifedd iddo ond un ferch, a gadael ei
gyfoeth yn llaw honno, daeth at Lludd ei
frawd i ofyn cyngor a chymorth ganddo,—

ac nid yn fwyaf er lles iddo ef ei hun, ond er ceisio ychwanegu anrhydedd, ac urddas, a theilyngdod i'w genedl,—a allai fyned i deyrnas Ffrainc i ofyn y ferch honno yn wraig iddo. Ac yn y lle, ei frawd a gyd-syniodd âg ef, a bu da ganddo ei gyngor ar hynny.

Ac yn y lle paratoi llongau a'u llanw o farchogion arfog, a chychwyn parth â Ffrainc a wnaethant. Ac wedi disgyn o'r llongau, anfon cenhadau a wnaethant i fynegi i wŷr da Ffrainc ystyr y neges y daeth i'w cheisio. Ac o gyd-gyngor, rhoddodd gwŷr da Ffrainc a'i thywysogion y ferch i Lefelys, a choron y deyrnas gyda hi. Ac wedi hynny llywiodd Llefelys ei gyfoeth yn gall a doeth, ac yn ddedwydd hyd tra parhaodd ei oes.

Ac wedi llithro talm o amser, tair gormes a ddigwyddodd yn Ynys Prydain
Fel y bu na welodd neb o'r ynsoedd gynt
tair eu cyfryw. Cyntaf o honynt
gormes. oedd rhyw genedl a ddaeth a elwid y Coraniaid, a chymaint oedd eu gwybod fel nad oedd ymadrodd dros wyneb yr ynys—er ised y dywedid ef—os cyffyrddai'r gwynt âg ef, nas gwyddent. Ac wrth hynny ni ellid gwneyd drwg iddynt.

Yr ail ormes oedd,—gwaedd a ddodid bob nos Calan Mai uwch pob aelwyd yn Ynys Prydain. A honno a äi trwy galonnau y dynion, ac a'u dychrynnai yn gymaint fel y collai y gwŷr eu lliw a'u nerth. A'r meibion a'r merched a gollent eu synhwyrau. A'r holl anifeiliaid, a'r coed, a'r ddaear, a'r dyfroedd a wneid yn ddiffwrth.

Trydydd ormes oedd,—pa faint bynnag o

wledd ac arlwy a baratoid yn llysoedd y brenin, er fod yno arlwy blwyddyn o fwyd a diod, ni cheid byth ddim o hono ond a dreulid yr un nos gyntaf.

Gwyddid ystyr yr ormes gyntaf, ond nid oedd neb a wyddai pa ystyr oedd i'r ddwy ormes eraill. Ac wrth hynny, mwy gobaith oedd cael gwared o'r gyntaf nag oedd o'r ail neu o'r drydedd.

O herwydd hynny, Lludd frenin a gymerth bryder mawr a gofal am na

Fel y wyddai pa ffordd y caffai ym-
gofynnodd wared rhag y gormesoedd hynny.

Lludd A galw ato a wnaeth holl wŷr da
gyngor ei gyfoeth, a gofyn cyngor iddynt
Llefelys. pa beth a wnelent yn erbyn y
gormesoedd hynny. Ac yn ol

cyngor ei wŷr da aeth Lludd fab Beli at Lefelys ei frawd, frenin Ffrainc, i geisio cyngor ganddo. Canys gŵr mawr ei gyngor a doeth oedd hwnnw.

Ac yna paratoi llynges a wnaethant, a hynny yn ddirgel ac yn ddistaw, rhag gwybod o'r genedl honno ystyr y neges, na neb arall oddi eithr y brenin a'i gynghorwyr. Ac wedi i'r llongau fod yn barod hwy a aethant ynddynt,—Lludd a'i gyfeillion gydag ef. A dechreu rhwygo y moroedd parth â Ffrainc a wnaethant.

A phan ddaeth y chwedlau hynny at Lefelys,—canys ni wyddai achos llynges ei frawd, daeth yntau o'r parth arall yn ei erbyn ef â llynges ganddo, ddirfawr ei maint. Ac wedi gweled o Ludd hynny, efe a adawodd ei holl longau allan ar y weilgi, oddi eithr un long; ac yn yr un honno yr aeth i gyfarfod ei frawd. Ac wedi eu dyfod at eu

gilydd, rhoddasant eu dwylaw am yddfau y naill y naill, ac o frawdol gariad pob un o honynt a groesawodd eu gilydd.

Ac wedi mynegi o Ludd i'w frawd ystyr ei neges, Llefelys a ddywedodd y
Fel y gwyddai ef ei hun ystyr dyfodiad
cynghor- y gormesau i'r gwledydd hynny.
wyd drwy Yna cymerasant gyd-gyngor i
y corn ymddiddan am eu negeseu yn
efydd. wahanol i hynny,—megys nad elai y gwynt a'u hymadroddion rhag gwybod o'r Coraniaid a ddywedent.

Ac yna y parodd Llefelys wneuthur corn hir o efydd, a siarad trwy y corn hwnnw. A pha ymadrodd bynnag a ddywedai yr un o honynt wrth eu gilydd trwy y corn, ni ehlywai yr un o honynt ond ymadrodd go atcas croes. Ac wedi gweled o Llefelys hynny, a bod y cythrael yn eu llesteirio, ac yn terfysgu drwy y corn, perodd yntau ddodi gwin yn y corn a'i olchi, a thrwy rinwedd y gwin gyrru'r cythrael o'r corn.

Ac wedi bod eu hymadrodd yn ddilestair y dywedodd Llefelys wrth ei frawd y rhoddai iddo ryw bryfard, a'i fod i gadw rhai o honynt yn fyw i hilio,—rhag ofn
Fel yr oedd i'r ormes honno ddod o ddam-
difa y wain eilwaith—a chymeryd eraill
Coraniaid. a'u briwio mewn dwfr. A chad-
 aruhai Llefelys fod hynny'n dda i ddistrywio cenedl y Coraniaid. Nid amgen, pan elai adref i'w deyrnas, iddo gasglu yr holl bobl i gyd,—ei genedl ef a chenedl y Coraniaid,—i'r un cyfarfod, dan yr esgus o wneyd heddwch rhyngddynt. A phan fai pawb o honynt ynghyd, iddo gymeryd y dwfr rhinweddol hwnnw a'i fwrw ar bawb

yn gyffredin. A chadarnhai Llefelys y gwenwynai y dwfr hwnnw genedl y Coraniaid, ac na laddai ac na niweidiai neb o'i genedl ei hun.

“Yr ail ormes,” ebe Llefelys, “sydd yn dy gyfoeth di—draig yw honno. A draig o estron genedl arall sydd yn ymladd â hi, ac yn ceisio ei gorchfygu. Ac wrth hynny y dyd eich draig chwi waedd angerddol. Ac fel hyn y galli gael gwybod hynny,—pan eli adref, par fesur yr ynys o'i hyd a'i lled, ac yn y lle y cei di y pwynt perfedd, par dorri twll yn y lle hwnnw. Ac yn y twll hwnnw

par ddodi cerwynied o'r medd
Fel yr goreu a aller ei wneuthur, a llen
oedd difay o bali ar wyneb y cerwyn. Ac
waedd a'r yno bydd dy hun yn gwylio, a
ddraig. thi a weli y dreigiau yn ymladd
 yn rhith anifeiliaid aruthr. Ac
 o'r diwedd byddant yn rhith dreigiau yn yr awyr. Ac yn ddiweddaf oll, wedi iddynt flino'n ymladd yn angerddol ac enbyd, hwy a syrthiant yn rhith dau barchell ar y llen, ac a suddant yn y llen gan ei thynnu hyd i waelod y cerwyn. Ac yfant y medd i gyd, ac wedi hynny cysgant. Ac yna, ar unwaith, plyga dithau y llen am danynt; ac yn y lle cadarnaf a geffi yn dy gyfoeth cladd hwy mewn cist faen, a chudd yn y ddaear. A hyd tra bont hwy yn y lle cadarn hwnnw, ni ddaw gormes i Ynys Prydain o le arall.”

“Achos y trydydd ormes yw,”

Fel y delid ebe Llefelys, “gŵr lledrithiog
y lleidr. cadarn sydd yn dwyn dy fwyd,
 a'th ddiod, a'th wledd. Trwm
 yw ei hud, a'i ledrith a bâr i bawb gysgu. Ac am hynny y mae yn rhaid i tithau dy hun

wylio dy wleddoedd a'th arlwyau. A rhag gorfod o'i gysgu ef arnat, boed cerwynied o ddwfr oer ger dy law; a phan fo cysgu yn treisio arnat, dos i fewn i'r cerwyn."

Ac yna dychwelodd Lludd drachefn i'w wlad. Ac yn ebrwydd y cynullodd ato bawb yn llwyr o'i genedl *Fel y* odd ato bawb yn llwyr o'i genedl *lladdwyd y* ef ac o'r Coraniaid. Ac megys y *Coraniaid.* dysgodd Llefelys iddo, briwio y pryfed a wnaeth yn y dwfr, a bwrw hwnnw yn gyffredin ar bawb. Ac yn ebrwydd y difethwyd felly holl wŷr y Coraniaid heb niweidio neb o'r Brytaniaid.

Ac ymhen ysbaid wedi hynny Lludd a barodd fesur yr Ynys ar ei hyd ac ar ei lled. Ac yn Rhydychen y cafwyd y pwynt perfedd.

Ac yn y lle hwnnw y parodd dorri *Fel y* twll yn y ddaear, a gosod yn y *cariodd* twll hwnnw gerwyn yn llawn o'r *Lludd y* medd goreu a allwyd ei wneuthur, *ddraig o* a llen o bali ar ei wyneb. A *Rydychen i* Lludd ei hun a'i gwylodd y nos *Eryri.* honno. Ac fel yr oedd felly, efe a welai y dreigiau yn ymladd.

Ac wedi blino o honynt, a diffygio, hwy a syrthiasant ar warthaf y llen nes ei thynnu ganddynt i waelod y cerwyn. Ac wedi iddynt yfed y medd, cysgu a wnaethant. Ac yn eu cwsg, Lludd a blygodd y llen am danynt, ac a'u dygodd i'r lle diogelaf a gafodd yn Eryri mewn cist faen. A galwyd y lle hwnnw wedi hynny,—Dinas Emrys. Cyn hynny Dinas Ffaraon Dande oedd ei enw.

Ac felly y peidiodd y waedd ofnadwy oedd yn ei gyfoeth.

Ac wedi darfod hynny, Lludd Frenin a barodd arlwy gwledd ddirfawr ei maint. Ac wedi ei bod yn barod, gosododd gerwyn yn llawn o ddwfr oer ger ei law. Ac efe ei hun a'i gwyliodd. Ac fel yr oedd

Fel y felly yn wisgedig o arfau, oddeu-
gwyliai tu'r drydedd wylfa o'r nos, wele,
Lludd y clywai lawer o ddiddanau godid-
lleidr. og, ac amryw gerddau, a hûn yn ei gymell yntau i gysgu. Ac ar

hynny, beth wnaeth Lludd rhag ei rwystro ar ei amcan, a rhag i hûn ei orthrymu, ond mynd yn fynych i'r dwfr. Ac yn y diwedd, wele wr dirfawr ei faint, yn wisgiedig o arfau trymion cadarn, yn dyfod i fewn, a chawell ganddo, ac megis yr arferai, rhoddodd yr holl ddanteithion a'r arlwy o fwyd a diod yn ei gawell. Ac yna cychwynnodd âg ef ymaith. Ac nid oedd dim rhyfeddach gan Ludd nac fod ei gawell yn cario cymaint a hynny. Ac ar hynny Lludd Frenin a gychwynnodd ar ei ol, ac a ddywedodd wrtho fel hyn,—

“Aros, aros,” ebe ef, “er i ti wneyd llawer o golledion a sarhad cyn hyn, ni wnei ychwaneg oni farn dy filwriaeth

Fel yr dy fod yn drech ac yn ddewrach
ymladdodd na mi.”

Lludd. Ac yn ebrwydd yntau a ddodes y cawell ar y llawr, ac arhosodd i Ludd ddod ato. Ac angerddol ymladd a fu rhyngddynt onid oedd tân llachar yn ehedeg o'u harfau. Ac o'r diwedd, ymafael a wnaeth Lludd ynddo, a'r dynged-faen a roddodd y fuddugoliaeth i Ludd, gan fwrw yr ormes rhyngddo a'r ddaear. Ac wedi gorfod arno o rym ac angerdd, gofyn nawdd Lludd a wnaeth.

“Pa wedd,” ebe y brenin, “y gallaf fi roddi nawdd i ti wedi yr holl golledion a'r sarhad a wnaethost di i mi?”


“Dy holl golledion erioed,” ebe yntau, “a wnaethum i ti, mi a'u henillaf it gystal ag y dygais hwy. Ac ni wnaf y cyffelyb o hyn allan, a gŵr ffyddlawn fyddaf i ti bellach.”

A'r brenin a gymerth hynny ganddo.

Ac felly y gwaredodd Lludd y tair gormes oddi ar Ynys Prydain. Ac o hynny hyd ddiwedd ei oes mewn heddwch llwyddiannus y llywiodd Lludd fab Beli Ynys Prydain.

A'r chwedl hon a elwir Cyfranc Lludd a Llefelys. Ac felly y terfyna.

HANES TALIESIN.



GWR bonheddig oedd gynt ym Mhenllyn elwid Tegid Foel, a'i drefdadaeth oedd yng nghanol Llyn Tegid. A'i briod wraig a elwid Ceridwen. Ac o'r wraig honno y ganed mab a elwid Morfran ab Tegid, a merch a elwid Greirfyw,— a thecaf merch yn y byd oedd honno. A brawd

Fel y iddynt hwy oedd y dyn hagraf
ceisiodd yn y byd,—Afagddu. Am hynny
Ceridwen Ceridwen ei fam a feddyliodd nad
wneyd oedd ef debyg i gael ei gynnwys
Afagddu ymhlith bonheddigion am ei fod
yn ddoeth. mor hagr, oni feddai ryw gampau neu wybodau urddasol. Canys yn nechreuad Arthur a'r ford gron yr oedd hynny.

Ac yna yr ordeiniodd hi trwy gelfyddyd llyfrau fferyllydd i ferwi pair o Awen a Gwybodau i'w mhab, fel y byddai urddasach ei gymeriad am ei wybodau am y byd na neb.

Ac yna y dechreuodd hi ferwi y pair, yr hwn wedi y dechreuid ei ferwi ni ellid torri y berw hyd dan ben un dydd a blwyddyn, ac oni cheffid tri defnyn bendigedig o rad yr ysbryd. A Gwion Bach, mab Gwreang o Lanfair yng Nghaer Einion ym Mhowys, a roes hi i amodi y pair, a dall a elwid Morda i gynneu y tân dan y pair. A gorchymyn

roddodd na adawai i'r berw dorri hyd pan ddelai undydd a blwyddyn.

Fel y berwyd y pair. A hithau, Ceridwen, drwy lyfr-y planedau, oedd yn llysieu beunydd o bob amryfael lysiau rhinweddol. Ac fel yr oedd Ceridwen un dydd yn llysieu yn agos i ben blwyddyn, y damweiniodd neidio a syrthio o dri defnyn o'r dŵr rhinweddol o'r pair ar fys Gwion Bach. Gan fod ei fys mor boeth, tarawodd ef yn ei ben, a chan gynted ac y tarawodd y defnynnau gwerthfawr hynny yn ei ben, gwyddai bob peth a ddigwyddai. Ac efe a adnabu yn union mai mwyaf gofal iddo ef oedd dial Ceridwen,—cans mawr oedd ei gwybodau.


A rhag dirfawr ofn, efe a ffodd
Fel y torrodd y pair. tua'i wlad. A'r pair a dorrodd yn ddau hanner, fel y gwenwynwyd meirch Gwyddno Garanhir am iddynt yfed y dŵr o'r aber y rhedodd y dŵr o'r pair iddi,—oherwydd y dŵr i gyd oedd wenwynig oddi eithr y tri defnyn rhinweddol. Ac am hynny y gelwir yr aber o hynny allan Gwenwyn feirch Gwyddno.

Ac ar hynny daeth Ceridwen i fewn, ac wrth weled ei llafur er ys blwyddyn yn golledig, tarawodd y dall Morda ar ei ben oni aeth un o'i lygaid ar ei rudd. Sef y dywed ynte,—

“Drwg i'm hanffurfiaist, a minnau'n ddiniwaid; ni buost golledig o'm hachos i.”


“Gwir a ddywedaiſt,” ebe Ceridwen, “Gwion Bach a'm hysbeiliodd i.”

A chyrrchu ar ei ol dan redeg a wnaeth. A'i chanfod hithau a wnaeth Gwion Bach,



CERIDWEN A'R PAIR.

t.d. 90.



ac a ymrithiodd yn rhith ysgyfarnog a rhedodd. Rhithiodd Ceridwen yn

Fel y filast, ac ymlidiodd ef tuag afon.

ceisiodd Yna Gwion Bach a ymrithiodd *Gwion Bach* yn bysgodyn, a hithau a ymddianc rhag rithiodd yn ddyfrast, ac a'i ceis-
Ceridwen. iodd ef dan y dwfr, oni fu raid iddo ymrithio'n aderyn i'r wybr.

Hithau a rithiodd yn walch i'w ymlid, ac ni adawodd iddo lonydd yn y wybr; a phan oedd yn ei ddal—ac yntau âg ofn angau arno, efe a ganfu dwr o wenith nithiedig ar lawr ysgubor, a disgynnodd i'r gwenith, ac a ymrithiodd yn rhith un o'r grawn. Ac yna ymrithiodd Ceridwen yn iar ddu gopog, ac i'r gwenith yr aeth, ac â'i thraed ei grafu a'i adnabod ef, a'i lyncu.

Ac fel y dywed yr ystori, ymhen y naw mis ganwyd mab iddi, ac ni allai

Llestr o ei ladd gan mor deg oedd. Ond

groen. rhoddodd ef mewn llestr croen, ac a'i bwriodd i'r môr y nawfed

ar hugain o Ebrill.

Ac yn yr amser hwnnw yr oedd cored Gwyddno yn y traeth rhwng Dyfi ac Aberystwyth, gerllaw ei gastell ei hun. Ac yn y rhwyd honno y ceid cywerth can punt bob nos Galanmai.

Ac yn yr amser hwnnw yr oedd un mab i Wyddno a elwid Elphin, un o'r rhai mwyaf diwaith o'r ieuenctid, a mwyaf o eisiau arno.

Ac fel yr oedd felly, tybiai ei dad ei eni ar awr ddrwg. Ac am iddo ofyn yn daer, rhoddodd ei dad iddo dyniad y rhwyd y flwyddyn honno, i edrych a ddamweiniai iddo ras byth, ac i ddechreu gwaith iddo. A thrannoeth edrychodd Elphin, ond nid

oedd dim ynddi; ond wrth fynd i ffordd
canfu y llestr croen ar bolyn y

Fel y rhwyd. Yna y dywedodd un o'r
cafwyd mab rhwydwyr wrth Elphin,—
yn y rhwyd. “Ni buost ti anhapus erioed

hyd heno, canys ti a dorraist
arferiad y rhwyd yn yr hon y ceid ynddi
werth can punt bob nos Galanmai, ac nid
oedd heno namyn y croenyn hwn.”

“Beth yn awr,” ebe Elphin, “feallai fod
yma gyfwerth can punt o dda?”

Datod y croen a wnaethpwyd, a chanfod
o'r agorwr dalcen mab, ac a ddywedodd
wrth Elphin,—

“Llyma dal iesin!”

“Taliesin boed ef,” eb yr Elphin, a
dyrchafodd y mab rhwng ei ddwylo, gan
gwyno anhap iddo, ac a'i cymerodd yn
brudd, a gwnaeth i'w farch, oedd o'r blaen
yn tuthio, gerdded yn araf, ac arweiniai ef
mor esmwyth a phetai yn eistedd mewn
cadair esmwythaf yn y byd.

Ac yn fuan ar ol hynny y gwnaeth y mab
Taliesin gân o foliant i Elphin, a phroffwyd-
odd urddas iddo.

Daeth Elphin â Thaliesin ganddo i lys
Gwyddno ei dad. A gofynnodd Gwyddno
iddo,—

“Ai da y caffaeliad yn y rhwyd?”

Yntau a ddywedodd wrtho gaffael peth
oedd well na physgod.

“Beth oedd?” ebe Gwyddno.

“Bardd,” ebe yntau, Elphin.

Yna y dywedodd Gwyddno,—

“Och druan! Beth a dâl hwnnw i ti?”

Yna yr atebodd Taliesin ei hunan, ac
ddywedodd,—

“Ef a dâl hwn iddo ef fwy nag a dalodd y rhwyd erioed i ti.”

Yna y gofynnodd Gwyddno iddo,—

“A fedri di ddywedyd, a chyn

Fel y fychaned ag wyt?”

magwyd Yna yr atebodd yntau, Taliesin,

Taliesin. ac a ddywedodd,—

“Medraf fi ddywedyd mwy nag a fedri di ofyn i mi.”

Yn y man rhoddodd Elphin ei gaffaeliad i’w wraig briod, yr hon a’i magodd ef yn gu ac yn anwyl. Ac o hynny allan yr amlhaodd golud Elphin well well bob dydd ar ol eu gilydd, ac o gariad a chymeriad gyda’r brenin.

Ac yno y bu Taliesin onid oedd yn dair ar ddeg oed. Yna yr aeth Elphin ab Gwyddno ar wadd Nadolig at Faelgwn Gwynedd ei ewyth, yr hwn, ymhen ychydig amser wedi hyn, oedd yn cynnal llys agored o fewn Castell Deganwy ar amser Nadolig.

A’i holl amllder arglwyddi o bob

Fel y bu un o’r ddwy radd—ysbrydol a

gwledd yn bydol,—oedd yno, gyda lliaws

Neganwy. mawr o farchogion ac ysweiniaid,

ymhlith y rhai y cyfodai ymddiddan trwy ymofyn a dywedyd fel hyn,—

“A oes yn yr holl fyd frenin mor gyfoethog a Maelgwn—wedi i’r Tad o’r nef roddi cymaint o eiddo iddo ag a roddodd Duw iddo o roddion ysbrydol? Yn gyntaf,—pryd a gwedd, ac addfwynder a nerth, heblaw cwbl o alluoedd yr enaid.” A chyda y rhoddion hyn, hwy a ddywedent fod y Tad wedi rhoddi iddo ef un rhodd ragorol,—yr hon, yn wir, a basiai y rhoddion eraill i gyd, yr hyn sydd i’w draethu ym mryd a gwedd ac ymddygiad a doethineb a di-

weirdeb ei frenhines. Yn y rhinweddau yr oedd hi yn rhagori ar holl arglwyddesau a merched bonheddigion yr holl ynys. Pwy ddewrach ei wŷr? Pwy decach a buanach ei feirch a'i filgwn? Pwy gyfarwyddach a doethach ei feirdd na Maelgwn? Y rhain yn yr amser yna a gymerid mewn cymeriad mawr ymhlith ardderchogion y deyrnas. Ac yn yr amser yna ni wneid neb o swydd y rhai heddyw elwir herald onid

Fel yr urddid beirdd. gwŷr dysgedig,—nid yn unig mewn gwasanaeth brenhinoedd a thywysogion, ond yn hyddysg am arfau a gweithredoedd brenhinoedd a thywysogion o hynafiaid y deyrnas

hon yn ogystal a theyrnasoedd dieithr,— yn enwedig hanes y tywysogion pennaf. Hefyd yr oedd yn rhaid i bawb o honynt fod yn barod eu hatebiad mewn amryw ieithoedd,—Lladin, Ffrancaeg, Cymraeg, Saesneg. A chyda hyn yn ystoriawr mawr, ac yn gofiadur da, ac yn gelfydd mewn prydyddiaeth i fod yn barod i wneuthur englynion mydr ymhob un o'r ieithoedd hynny. Ac o'r rhai hyn yr oedd yn yr wyl hon yn Llys Maelgwn gymaint a phedwar ar hugain, ac yn bennaf ar y rhain yr hwn a enwid Heinin Fardd. Felly, wedi darfod o bawb foliannu'r brenin a'i ddoniau, fe a ddigwyddodd i Elphin ddywedyd fel hyn,—

“Yn wir, nid oes neb yn abl i gystadlu â brenin ond brenin. Eithr yn wir oni bai ei fod ef yn frenin, myfi a ddywedwn fod i mi un bardd sydd gyfarwyddach na holl feirdd y brenin.”

Dig iawn oedd y beirdd eraill wrth Elphin. A gorchymynnodd y brenin roddi Elphin mewn carchar cadarn, oni ddarffai iddo

gaffael gwir wybodaeth am ei fardd ef.

Yna rhoddwyd Elphin mewn
Fel y tŵr o'r castell a gefyn mawr am
carcharwyd ei draed, a dywedir mai gefyn
Elphin. arian oedd, am ei fod o waed
 brenhinol.

Dywedodd Taliesin wrth ei feistres ei fod yn myned i ryddhau Elphin. Ac aeth tua Llys Maelgwn. A phan ddaeth i'r neuadd canfu le disathr gerllaw y man y deuai y beirdd a'r gler i fewn i wneuthur eu gwasanaeth a'u dyled i'r brenin. Ac felly yr amser a ddaeth i'r beirdd ddyfod i ganu clod a gallu y brenin a'i nerth, a daethant heibio y man yr oedd Taliesin yn crwcian mewn cornel, yr hwn a estynnodd ei wefl ar eu hol hwynt, gan chwareu blerwm blerwm â'i fys ar ei wefl. Ond ni ddaliasant hwy fawr sylw arno, ond cerdded yn eu blaen hyd nes y daethant gerbron y brenin, i'r hwn y gwnaethant hwy eu moes â'u cyrff, megis yr oedd yn ddyledus iddynt hwy i wneuthur, heb ddweyd yr un gair o'u pennau onid estyn eu gweflau a mingamu

Fel y ar y brenin drwy chwareu blerwm
mingamai blerwm â'u bysedd, ar eu gweflau,
y beirdd. megis ag y gwelsent hwy y bachgen yn ei wneuthur o'r blaen.

Yr olwg a wnaeth i'r brenin gymeryd rhyfeddod a syndod ynddo ei hun eu bod hwy wedi meddwi. Felly gorchymynnodd i un o'r arglwyddi oedd yn gwasanaethu ar ei ford ef i fynd atynt, ac erchi iddynt alw i'w cof a'u myfyrdod a meddwl y man yr oeddynt yn sefyll, a beth a ddylent hwy ei wneuthur. Hyn a wnaeth yr arglwydd yn llawen; ond ni bu iddynt beidio â'u gorwagedd. Felly anfonodd ef eilwaith a'r


drydedd waith i erchi iddynt hwy fynd allan o'r neuadd. O'r diwedd archodd y brenin i un o'r ysweiniaid roddi dyrnod i'r pennaf o'honynt,—y neb a elwid Heinin Fardd. A'r yswain a'i tarawodd ef yn ei ben oni syrthiodd yn ei eistedd. Yna cyfododd ar ei liniau, a gofynnodd ras y brenin a'i gennad i ddangos iddo ef nad oedd y diffyg hwnnw arnynt o nag eisiau gwybodaeth nag o feddw-dod, ond o rinwedd rhyw ysbryd oedd yn y neuadd; ac yna dywedodd Heinin,—

“O frenin anrhydeddus, bid hysbys i'ch gras chwinad o angerdd gormod gwirodau yr ydym yn fudion heb allu ymddiddan, fel dynion meddwon, ond o rinwedd ysbryd sydd yn eistedd yn y gornel acw ar swm bach o ddyn.”

Yna gorchymynnodd y brenin i yswain ei gyrchu ef; yr hwn a aeth i'r gilfach yr oedd Taliesin yn eistedd, ac a'i dygodd ef gerbron y brenin. Gofynnodd y brenin iddo pa beth ydoedd, ac o ba le y daethai.

Atebodd Taliesin ar gân. A phan glybu y brenin a'i urddasolion, synnu yn fawr a wnaethant, ac ni chlyw-gorchfygodd sent o ben bachgen ei fychaned a Taliesin ellid ei debygu i'r gân hon. A feirdd phan wybu y brenin mai bardd Maelgwn. Elphin oedd ef, erchi a wnaeth ef i Heinin, ei fardd pennaf a doethaf, ddyfod ac ateb i Daliesin, ac ym-orchestu âg ef. Ond pan ddaeth yno, nis gallai amgen na chware blerwm ar ei wefl. A phan ddanfonwyd y rhai eraill o'r pedwar ar hugain beirdd, yr un peth a wnaethant, am na allent yn amgen.

Yna y gofynnodd Maelgwn i'r bachgen Taliesin pa beth oedd ei neges Fel y yno. Atebodd Taliesin ar gân rhyddhawyd mai dod i ryddhau Elphin a Elphin. wnaeth. Daeth yn ystorm o wynt aruthr, a gorchymynnodd Maelgwn ddwyn Elphin o'r carchar. Canodd Taliesin gân arall, nes agori o'r gefyn oddi am draed ei feistr, Elphin.





Guid. M. Davis

Ⓟ

Mabinogion

PB

2273

Mabinogion

.R4

E3

PONTIFICAL INSTITUTE
OF MEDIAEVAL STUDIES
59 QUEEN'S PARK
TORONTO 5, CANADA

